

湘綺樓詩集

刊	庚
于	子
東	歲
州	孟
講	冬
舍	月

湘綺樓詩卷第一 丁未至戊午

五言一

長沙湘潭王闔運字壬父著

雜詩

夜中不能寤落月在屋楹蝨斯與絡緯秋來始爭鳴天
機使之然焉能闕其聲籛華盡搖落天地一肅清羣動
既息響斯時何所營達士有淡觀窮居惜孤情

汎舟湘上

客意已在水舟遙帶清輝殘雲藉落日隔岸炎未晞平
疇上餘青冥色合眾微煙態如悅人棲棲方自歸長吟
對所歡涉江當爲誰

卷一

五古

贈彭笛宣嘉玉

寒蟬翳東林蟋蟀鳴西堂微生有常棲畸士獨無方秋
河汎桃梗浩蕩始還鄉重以心幽息閉戶若有忘余念
子孤居中夜起旁皇荒園秋艸多淡巷隔車行譬彼猗
蘭華空谷全孤芳豈不念寥落神全何所傷

寄資柏丞欽亮京師

北風吹驚塵朝夕無停飛寒蟲既息音歲馭不我回始
念同袍子遠駕去莫追嚴冬各有家行者獨何依人生
如艸木凋落故不肥木落當復榮日月逝以馳褰裳陟
高山道遠與子違感彼孤鴻征霜雪更相摧遺音若可

尋萬里慰孤羈

擬焦仲卿詩一首李青照妻墓下作

并序

嘉慶十一年冬十有一月晦日湖北傭人李青照妻
爲主逼逃復遇彊暴攜子赴湘而歿夫亦自經經墓
讀碑作詩云爾

雙鳧不能飛十步兩連翩張氏有好女辭家來李門頭
上青絲髮纖纖兩頭盤約略蛾子眉參差掠鬢鬚雙耳
若連壁荷葉承珠環紅白左右靨不用粉與朱斜肩若
坐玉回腰帶輕襦素手出廣衷青繡緣領裙單繡蹙金
線雙繡雲中萼行纏約春羅二寸稍有餘瑣細作微步

卷一

二

五古

盈盈若波流不言共知美誰能不稱姝妾是貧家婦家
貧無華妝脫我嫁時衣著我青練裳上機織縑素中廚
治羹湯里鄰謂新婦新婦固不同東家言姣好西家言
賢良朝烹穀作糜夕持絮作衣無衣常苦寒無穀常苦
飢朝持絮作衣夕采葵爲羹無衣猶可寒無食難可生
我有纖纖手可以紆縫組東鄰貴家女十指不拈線持
我手中巧作我家中飯昨日主君還全家事游宦便可
與君行莫令此事散雞鳴外欲曙夫婦嚴裝辦還歸辭
父母出門別親黨今當雲南公雲南天一方主君作高
官不與州縣同峩冠青金石雲雁繡當胸高檣曳長旗

圓繖兩檐紅船頭鳴雙鉦從岸到江中隨人四五十行
佗鳧雁翔引婦入拜見主君大歎美平生實未見舉止
自生炁舟中何所爲旦暮無期程低頭向江水道路迴
且長朝辭金口太莫至赤壁山不聞鄰人語但聽鼓吹
喧莫發石頭驛早至洞庭湖不聞夫婿言但聽主君呼
主君呼婦前甯可相順從珊瑚爲卿枕瑋瑋爲卿牀婦
謝主君言賤妾甘困窮況乃事夫久大義不再更主君
大拊掌眞復違我旨汝是貧賤人復言何道理昨日爲
人奴今日在官傍何不早作計汝何不自量我有金耳
釵赤玉如意簪玲瓏翠戒指手釧珍珠嵌百褶金繡裙
四合杭絲衫婢妾六七十不得挂眼角吾今但告汝此
事非大錯斑鳩共成對不能愛孤鸞妾是愚賤婦不堪
賢主君私語向夫婿轉身自摧藏與君早作計昨日主
君語茲事不可長行行十餘日遠望長沙城鐵鑿下中
流云須數日停江湘南北間回首自悽皇及茲背同伴
形勢已蒼黃空川復昏暗月黑夜未央偕行出恩恩
恩遺橐囊謂卿暫待此吾當復暫往蚤距一分撇奔走
不成行夜鴉啞啞嘒嘒嚴霜墮道旁船上燈燭炁岸上行
人多風寒天欲明旁皇將奈何莫爲異鄉婦舉首迷東
西觀者不轉眼問者來相欺雞鳴五更盡是時其夫來

不知期何所心恹形復癡俚俚至明發各各成驚疑城中無賴兒三五生崎嶇詭言得夫婿象掃佗要期給婦更渡湘四人於小舟謂婦汝無然孤身欲何爲潛行苦多畏聞此心膽壯激我義烈情吐我心鬱快長號嗚向天噏哽涕盈眶舉首謝夫婿相見待泉壤昔季爲君婦膏沐有容宥脫我嫁時衣著我青布裳入門無衣食出門別親郤悠悠生歿別初意實未防妾事今當歿妾歿君獨生歿者不可再生者壽命長懷中一尺兒抱頸相向嗚不得從君去但可隨妾歿舟邊一尺波烈婦命長終是日大風雨青天爲不陽青照得聞此沈痛迫肝腸

卷一

四

五古

鳴冤赴縣門願早治奸凶縣令何多材車馬如趨風三八爲良日盈盈公府中伺候長官意例不問詞訟餘官十餘員云在發審廳首縣請刺員幫審挂虛名民命小事事況乃異鄉客誰能聽其詳微賤無所爲裴回出城東還歸道路長無家內煎烹黃泉有良會母子相追從俚俚人初定悽悽鬼相迎吞聲顧樹下自挂南枝南縣令聞此事忸怩無容顏使君聞此事頰耳不能言長官聞此事捋須共言難平生丁明府今日見此冤還歸坐堂上朱籤出縣門但捉岸上兒不上使君船煌煌大清律首從並梟竿父老聞此事歎息告家人昔爲役人婦

今得禮部旌城中羨其風城外造其塋仰瞻天心閣合
葬醴陵門南城秋艸長墓上還芊芊子規過之嘯血下
何淺淺生是連枝木外是雙飛禽雙禽將一雛似欲言
其冤童子爲之歌婦女無歡顏悠悠四十載石上字已
湮綱紀貴賤人彷彿丞斯篇

述懷五首

初夏猶淡秋微雨颯然至清風吹短牖中夜不能寐
裹回起行游誰能道余意憂思從中來驟若奔萬騎我心
自慷慨萬籟若相慰

步出東郭門落日何蕭蕭陳人既寂寂白楊亦寥寥北
墳互相乘萬歲猶一朝富貴固有窮貧賤亦復消達士
無馳驅安能羨松喬長季豈余樂時逝不可招雲中有
鳴鶴其翼曰扶搖一舉青冥上縱心篋且遼

峩峩高門開門中何繇華廣庭三百步日暮不容車玉
堂敞春宵歌舞豔芳花明燭蔽星月搖采散雲霞四坐
酣醇醪但恐良會賒西鄰食貧子疏水獨咨嗟囁囁坐
相陵默默心自遐豈見東陵侯如今學種瓜

勁羽鳴北風鐵騎出西邊王恢既失律李陵竟不還元
戎降貴戚攤眾自翩翩叱咤動萬人見敵頗遷延曾聞
聖武略廟算期十全雖非介胄士按劍望三邊魯連徒

徑徑蹈海竟空言

孤雲有時飛靜者豈無心空堂望華樹幽獨坐沈吟三
英不我期大道復誰任禮樂塞衰流楚士別貞淫晤言
亦何感江水澹湛湛目極千里道藐然涕霑襟

怨詩

璿房有靜女顧盼燦且鮮良媒結金蘭遂爲君子妍婉
變未及終微釁起相捐自蒙北山惠一夕期百年妾身
何足論所惜君德愆思君不能見幽怨豈設言明月照
羅幃空影獨嬋娟欲彈清商瑟意愴不在弦

擬今日良宴會

卷一

六

五古

齊竽旣絕響四坐亦不諠長笛引高唱曼遠赴浮雲苦
心無凡懦哀亮激常聞歌情貴自達焉設知君恩人生
遇合際白首皎如新何爲懷希世旦夕願良姻賞音信
不逢歸我賤與貧

擬明月皎夜光

夜長巖風升飛鴻已相背寒露激繁輝清秋忽如逝華
榮有代終感念疇昔歲懷中千金璧皎皎自陵厲盛名
豈虛來負此偶一世明月有晦虧焉怨浮雲蔽箕斗懸
明象朗然中天揭至人無俗用誰能徇一器慷慨金石
姿耿耿長不敝

擬客從遠方來

客從遠方來遺我鴛文綺別時未云久感君念如此裁
成有新故藏之誰見美發篋三峙曙使我中夜起時俗
妒真交歎息我與爾

五君詠

序曰嘗觀顏光祿五君詠微至感動具知人之鑒異
世論友中實自敘而山王同游獨以貴黜則取人必
於窮厄乎闔運年未弱冠得奉教賢人君子有日矣
其游息輒偕適有五君然以遠別當散彌念嘉會率
爾命筆各贈一章譽淺諷深期之弭佩云爾

彭嘉玉

卷一

七

五古

彭子少駘宕韜光久藏用意斂迹愈高慮集疑轉闕沈
冥類守愚孤憤實隱慟獨往溪古心亮節有時送

龍汝霖

正直日衰少時俗在苟隨龍生狷者心清剛表奇姿中
庸易同流黜陟難媚時鍛羽有時振往志不可追

李壽蓉

李生託華藻懷情畏檢束微名眾傾才縱志寵依辱美
服非不華媒害慎所觸染縈豈在己多岐懼移俗

鄧輔綸

舍人守眞純機志昧世緣抱璞若偕眾冥思忽孤鶩宦
情汨隱志保已涵淡筌赫赫逢士懷窅窅古昔賢

鄧繹

仲子夙奇服長嘯揚清光識遠道易馳眚薄聖所防形
虛驗存眞調響託高張平生接末契連翼將遠翔

愁霖六章

皇靈信難諶人道有幽顯往昔邁零霖洪流被原嶽遵
渚無安鴻高墉拾枯蜺川塗及數州陽侯幸孤免獨免
非所安忝竊亦已多比來降洪潦反坐長咨嗟常恐洊
災行農女失其家況此卑溼區國小將如何余嬰采薪

卷一

八

五古

憂獨居就疲繭寒風忽中人伏枕詫栗烈母乃調燮乖
被裘信非節朝起猶晦冥門巷斷行轍行轍久絕蹤落
陰上縣榻蠅蝟胃長絲鼠迹亂叢沓念我故人心自昔
同酬荅世故各有營焉能慰離合離合會有時世故良
同悲兵戈阻荒服干羽次王師跋涉勞荏人日暮將何
之傷彼離畢章感此徂東詩感懷孰能已委化有自然
中夜忽起坐寤寐誰爲安同袍感秦風良朋況永歎天
心戒戲渝閉戶不敢言

邵陽山行

陰雨彌四旬端惠阻川原高空曜晨日萬壑始光鮮溼

雲眊陂塘異色映山田飛鳥學和聲從母出林間客心
感春氣物態匪舊顏何以喻芳游愉悅自忘言

晚行湘水作二首

晚風吹流波奔影不可尋連岡無斷容重雲發歸心佇
瞻穹窿低坐覺夜氣陰鳴鉦駐客棹遠燈熹欲沈喧聞
眾籟襍靜會江底淡冥情結真契秋宵信長吟微詞託
尊酒對影且同斟

山水但一氣曠望成瀾茫亂蛩苔岑寂四野垂寒光天
風時橫過濤聲送浪浪秋氣本寥亮助之羣動鳴夜溪
轉激烈滿舫生孤涼不散久佇立寒露侵我裳驚心感
節候拊枕獨旁皇

卷一

九

五古

從南嶽廟至吸雲菴顧下而作

天根蟠軫墟坤紀重炎服鴻濛凝朱光高溪闕靈族雲
觀合冥杳下視但蒼綠渾淪自太古羣會始盤伏風危
巖益高日夕氣相逐抗手下方人長嘯厲清肅

晚登南天門宿上封寺

清肅閉幽宮噴薄尋雲根沈沈大地迴蹇蹇潛陽奔風
雨斷兩道晴陰割空痕高天盡內外穹宇先明昏陵鳥
勢不上積艸古未蕃投崖息冥按豁然超我魂

祝融峰

萬緯朝日宮朱明聚純陽天地通涓曜炎炎見南衡元
樞仰皇德眞宰填交荒日月動左右遠近無異光恭聞
中天禮舜狩絕百王登封造巍巍始識聖道昌

朱陵洞瀑

眾青不斷色遠響驚清秋朱陵闢孤巖飛瀑束奔流絜
湍照白日元澗映愈幽青天靜無聲翠壁動寒湫空雨
光破碎眞源洞冥接宛宛雌蜺蜷荒荒烈飈休

詠千金公主

乾坤昔板蕩奸險相覆傾宇文失統馭跋扈亂威荆六
州旣改獻社稷遂榛荆弱息存宗女遠在突厥廷穹廬
日色寒涕泣對縱橫北風吹黃沙牛馬盡嘶鳴哀音感
異類爲此契中情戎狄無親戚何爲慕忠貞義師三叩
關由來重精誠何圖孤熒志難與時命爭似聞禪讓時
勸進皆豪英弱女旣非男綱紀獨孤撐豈伊不自度精
衛填滄溟英風凜千古奇節亮且清投堂誰家子幽憤
復未甯

送陳希唐景雍赴京師二首

浮雲出南嶽乃從北風來中宵一相值相聚忽遠飛傷
哉我與子良晤始欲乖攜手東郊上霜陰野崔巍役車
歲其休日莫望裴回明知會日邇時逝不可追臨歧重

顧瞻但恐顏色衰願君如鴻雁春至一來歸

置酒高殿上舉觴忽忘酬華炬照中庭征夫懷百憂塞
獸四坐賓歎子一日畱相畱竟何益歡會非強求薄酒
在今宵寫地同波流波流日東行行子塗徂修寫酒不
更酌行子多伊憂

生理篇擬曹子建體

生理各如寄況我適異邦宵寐且容席朝坐亦對窗風
雨相蕩迫端居日愬愬想望章韞波浩浩自成江精魂
不可踰怨彼往路窮往路何若遞故鄉鬱霾氛蠻越構
禍端矜戟亂邊屯永衡絕通軌連巖上參雲征駒尙元

卷一

十一

五古

黃孽轡憚悲辛悲辛復奚辭我友在遠方遠方何所恨
喪亂焉有常嬰世懼歧塗獨願恣徜徉窮魚失故淵離
獸走連岡鴟鴞鳴庭樹腐鼠驚鷄皇舉矚無舊物卻曲
悲楚狂楚狂猶能歌鳴鳳久已歇商飈起中夏庭樹墜
黃葉殊音匪我親言發自眩牒行行至窮巷經日見鶉
結敗垣塞曦陽隙溜滴殘闕所遇增感哀還歸坐悲懾
還歸當語誰新知近相從倦倦握手歡頗欲懇微衷世
俗匿淡情酬好變誠忠居者復幾人行者猶轉蓬況此
曠陰時咫尺怨不逢悵悵疇昔懷髣髴呈音容良會不
可期瀉水徒西東西東會有時人生信輕離出門別親

舊車馬如雲馳白日照黃土班馬鳴回颺高北一登望
策轡臨堂垂平生自努力慷慨有餘思謀身尚難工甯
暇及人爲感茲悟身世已矣勿復疑無疑猶有息棲棲
更何求百年如轉凡獨爲智者愁巧拙互穰穰天命更
相讐彭殤本妄喻何者謂蜉蝣激心念靜理豈不慕蚤
周投筆起旁皇知我度勿尤

明義篇代李伯元婦贈夫

孤竹懷泰山叢蒲秀盤石情愛潛合并溫柔固相匹猗
彼窈窕性逢此婉孌質良時媚春華高懷峻貞柏終始
信有要恩敬久無隔其一歡言意未申沈吟時忽移驅車

卷一

七

五古

銅龍道佩玉臨丹闈從容金閨彥優游休暇期間情有
餘歡薄言承燕私憂來怨相逢情往始自疑其二伊余託

殷勤與君同勞慕令德豈不希聊用歡所遇明珠安良
媒金環召淑御瑤瑟未終撫春華忽焉暮涼風起日夕
入室告當去其三峙嶠車聲遙宛轉妾憶君華京始獨居

日月坐已淪出戶望繚霜念子悲向晨雞鳴知亭午暮
雀識夜昏柰何天涯路送我閨中人其四川陸殊未央悠

悠浙水東褰舟涉中流持楫晚相迎雖云暫時樂寤寐
感前情憶昔長相思對此悲恨并傾城非余美亮節遠

愈貞其五浮雲入中庭飄飄遠方書遙遙論行役婉婉問

安居季徂積思停情密往訊疏足知君子心念妾共須
與勤款苟不違何必歎茆殊其六間房長夜清蘭時逝不
招雖無五日期嘉會未可遼昔聞江沱吟今奏河州謠
願得巧笑攜手並翔翺鴻鸞有時雙夙夜慰我勞其七
殊方亦偶然他人多異心精誠長相保明義勉在今何
用申區區約指雙南金貴妾手中物喻彼瑟與琴感君
猶循環臨軒涕盈襟其八

詠古贈今人四首

詠沈炯贈孫麟距

窮老孤客又值喪亂

卷一

十三

五古

慟哭登高臺千里來遠風干戈迫老病寥落傷心容故
鄉阻歸期誰能守固窮空留千載名感慕一世雄

詠鄧攸贈陳景雍

境逢棘扈故季始壯盛已有無子之嗟

畸人值窮數漂泊向江漢微官累家室哀時迫離棹喪
兒豈由天有身已云誕獨抱世俗悲永貽行人歎

詠竇滔贈李仁元

佳妃重情頗能不形其過抑實無慚解人爾

滔也清妙才酬唱對佳儷陽臺豈予美高情邈難致故
劍苟不敦文錦亦虛寄同心懷佳人悠悠始相對

詠陸雲贈鄧繹

雖無入洛之嗟而兄弟久別

士龍厭京洛擊楫渡江水名起卿相間無心偶餘子兄弟一朝別亂離從此始文章非軍謀焚筆奚足悔將之樂平畱別孫陳鄧

春湖散寒煙游子從此行不恤道里長恨我離別情波禽忽翩翩曉夜自和鳴人生圖長聚何忽慕遼夔良友久余期燭來盡屏營憶昔孤獨時如月有虧盈春歡不可忘千里寄芳榮

行六十里阻雪泊舟再寄孫丈

卷一

十四

五古

丈人當代才得名四十季賤子方弱冠邂逅能隨肩賓客滿四坐頗獨稱予賢高情薄流俗甚愧所愛偏去年別南浦春鴻遂孤騫振羽南山網還止東湖邊聞君復來止倒屣徐亭前跪拜未及興問我多苦言初問堂上安終問食與眠藹然周親意淒惻別後顏中坐復大笑仰視高旻天北風動平地異國將殘季良晤苦日短塗遠歲又寒揮手彭蠡湖獨泛王子船君歌贈別詞悽聲動琴弦長歌復短歌鄭重非一篇憶昨官舍居綠萼映娛園上客曳珠履華燭照貂冠君也徒步來破笠雪盈肩徐徐發高詠嫋嫋騁餘妍羣賢盡斂手四坐神儼然

以此感我臆魂魄爲翩遷春霰寒夜淡羽翼悵盤旋非
無飛鴻術巖風苦侵腋荒雞墮江聲曉氣壓當前茲時
君客游孤坐亦扣舷窮老不得歸萬里送衰季吞聲啜
殘杯瘦骨映寒瓊况聞武昌城膏血污晴川恐懼戎馬
來奔迫聚散端悲吟亦何爲儒生無尺權歸期儻同諧
對雪望林泉長謠寄區區愧彼瓊瑀圓

鄱陽蓮塘

湖陰足水漲百里滯旬日風來陂陀靜夜久圍岸出遠
近清星光高溪動月質柴荆秋灑灑梁稻宵密密旅人
信勞役漁艇不可必

臨川西湖

卷一

五

五古

晨風吹游子逶迤入川折畏塗常早泊誰能俟風色眺
步回短杠肅肅淨秋迹村虛寂蕭條敗屋稍成柵飢禽
爭落梧瘦犬臥寒石污泥壓畝稻窮婦拾殘粒搯掘終
日間難謀一杯食衣單天又寒夏令已凜栗溫涼日乖
錯復見桃再實干戈接妖異調燮物理隔歎懷喪亂邦
俯念遠寄客沈憂淡彭蠡渺渺不可摘

袁口

袁水自此始寂寂向南國秋岸佇涼襟初月生遠白遙
浮邇山秀漸斂餘星色河漢仄西影江水上寒碧漁燈

蕩蕩沈林葉垂垂息萬感爾暫停隨景亦相得

從軍詩二首

白羽腰雕弓朝夕夾道馳僕本郡國士非是羽林兒軍
書前日來召我赴征期長跪別家門始作生人辭利劍
初在手不知當向誰男兒慕忠義忠義獨何施不見嫖
姚將獨擁期門麾

寒風吹樹林荒荒無生萌兵戈久未衰誰能念我鄉悲
笳作邊聲仰聽風蒼蒼三軍獨何求卷謁而卻行中道
尙頓遭安得外疆場謀多令軍敗中心如涪湯清晨上
隴首胡馬矯騰驤將隨猛虎步豈設獨雁翔

卷一

六

五古

做吳邁遠樂府二首

吳故擬古今復擬吳

陽春曲

百里望郵亭風塵起春色山川共充影艸樹非一碧如
何當窗者坐歎金閨客交疏生細網青釭空落迹零雨
無盡時憮然望將夕

哀別離

襄陽游俠兒馳逐東風前垂轡大隄上春艸生雨邊左
挽綠沈弓右控鵲血弣依依雲中雁摧藏墮連翩銜我
家中書念我無歸季昔聞荆卿子高氣陵全燕武陽亦

勇士失色秦廷間時忒無長策運往誰其賢今君慕虛
義尺木階九天不念荒畦上無復召平田

留贈婦詩三首

閨運婚三月婦歸甯已獨在縣聞寇至省城嚴守與
婦告別留詩慰之因致幽居之憤傷守備之不豫也
浮雲生飄雨忽然爲別離明晨安歌地薄莫亂已隨俛
仰從官政驚憂不遑私嚴城旦已封帷車豈顧歸有皇
獨夜行物色昏濛時悲流激溪谷鳴我長相思雙鸞語
間間整翼陵風飛回翔失所與空望夫何爲

人生在憂患際世甘屯蹇高節良自持念子不能遠端

卷一

七

五古

居憶良會遙日坐晚寸心如車馬馳逐往復返春風
又青陽零露被蘭阪芳艸感同香微心惜雙展念此獨
何爲籛華寄遙綉

智生恆多憂患者善自驚患忒同優游愁來共屏營嗟
我與子睽朝夕限一城城中何噉噉連閣對吹笙人生
寄世間譬海結浮萍況我比目魚形影正熒熒南登四
望樓川澤蔓縱橫懷憂終一時還室涕緣纓

襍詩十九首

涼秋下空野林木無時安微風動密葉策策見汝寒春
榮理必凋早晚自萎殘胡爲恃元化迫我以憂患日月

善流遷變故匪一端空抱葵藿念永愧松柏難悟彼南山人嗒然涕已潛

出門無所爲峙嶮望周行夕陽忽西匿蕩然傷我情忝物非長畱寸心與之爭眾人何穰穰安知彼所成寂寞資永幽冥希辭世營卽理有流運方期抱微貞

人生有新故氣化長相交轉移與流謝兩者同其勞不見林中葉榮悴由終朝霜來自零落春至不敢凋君子有觀化歡怨以啁嘲甯知大運中與物共遷敖吾甯暇悲欣守己自矜驕

陽春未榮華百卉共枯枝一朝東風來美色遂成私芳

卷一

六

五古

菲各有性誰能暫推移徒聞怨搖落不見感恩慈允寵疇所加思之令自蚩

明明雲中月照我修修樹流光一西移暗影悲空處情過始依依憂懷自此數早日不相逢安知別離苦

吾逢赤松子自謂餐霞人雲冠佩珠玉宮闕盡金銀服飾與朶頤紛然累其身神仙莫能度炫美以汨真嗜欲敗天道千秋非我春安能乞長季增壽敝精神不如從逍遙汗浩游無垠

盧敖遇下士卷蛤療調飢口說至道方茫然若煙迷上哲與下愚彼此矜所知兩者不相喻安知其是非

秋韞揚微英，冉冉陵霜時。細質豈違眾，開榮乃天機。物情重偶得，唱和爲嘉詞。何用識隱德，但貴時所稀。至今東籬下，眾艸不設欺。方知萬物理，名至實乃歸。生民無賢愚，乘時始揚輝。

滔滔江漢流，鬱鬱蒼梧雲。日夕揚洪波，荒荒動平原。危機起暗昧，陰氣沍寒根。小人計功利，黽勉貢虛文。窮塗寡儔侶，孤意亦絕羣。朔風送征鴻，下視空愁昏。一爲楚人歌，悲來難具論。

鶴唳華池邊，氣與空秋爽。平生志江海，誤爲塵中鞅。蕭條送日月，傲睨方遠想。西風動商氣，中夜慕孤往。萬里不得翔，裴回自慷慨。

武昌昔王都，夏口相連衡。劉表工坐談，猶能制襄荆。小人易竊位，得志量乃盈。將帥無威儀，一散如流星。貧國委天數，蕭條方坐傾。徒聞空郊外，荒荒起風聲。

晨登黃鵠磯，遙望石鐘洲。浮洲不可見，滔滔江漢流。游漢無弭節，歸吳多檣舟。借問西來者，何爲召戈矛。軍中易水火，炎寒自相仇。多魚旣漏師，治父竟空囚。皇然策守戰，始覺貧寡憂。自非金貂子，誰能肉食謀。

佳人在燕趙，因依入玉房。朝從長樂游，旣夕還昭陽。酣讌古所戒，少壯不可常。荒哉楚宋生，翩翩賦高唐。神女

頁秀色登歌媚嗣王至今章華宮歡娛殊未央
陽春澤羣英先榮桃與李微華務開揚零落固其理如
何差池燕輕薄相依倚良時忽蹉跎逍遙復誰恃不見
東陵園淚落霑荆杞

平明登泰華慨然觀九州煙霧半明晦江海爲之浮仙
人雲中鶴唳影聲啾啾道逢周王子從我求靈修中原
旣浩蕩公不可畱丹霞映白日光采明曾樓俯視見
城郭茫然動煩息世人信多才朝菌非我謀萬龍忽一
逝疾景無再休

堯城氣鬱鬱非舜能囚之黃屋累至道分疆隘王畿諒
無化人術安知慕無爲七聖已失道白日誰能揮尊榮
不可居君子慎其儀

東城何纍纍言是蒿里墳白日不相照悲風振荆榛嗟
彼潛寐子一旦歸此門牛羊上墓道失勢忍迤邐胡然
生存者矜氣陵苟人黃泉無爭讓濟濟爲鬼鄰一彈雓
門弭華屋安足珍

清晨荷鋤出艱難學田園微風藹林表初日光東軒被
裘還解裾單衣有餘溫春氣蘇萬物始足慰劬勤如何
惰游士荒時失天真子生後巢由不得爲農民日暮行
歸來感激悲中原

陶潛雖隱居其氣常縱橫間庭視艸木萬感來崢嶸晉
代時陵替卑官念無成歲月坐惟悴豈不傷其生遠松
託孤懷濁酒徒自傾飢寒與醉飽甯識達士情

與友期約將赴適偶心會罷往作一首

日落風氣涼方知秋已淡蕭蕭眾物意獨來歸我心攬
之不盈懷外慮久余侵端坐稍已永空堂忽歛釜我友
知此意未面若開襟良遇惜不再寂寂存其音孤雲將
有棲因之罷幽尋

武昌豐樂亭作

久行武昌城瘦日連荒榛空亭一登望淒然廬舍存飛
鴉唳樹顛聲苦無人聞溪井不敢窺恐有壯士魂此邦
實喪亂哀哀問耆民庭宇猶可居亂久無歸人何爲此
征夫竄身江漢濱生理若有道將爲窮者言

鸚鵡洲弔禰衡

世亂重高材文士未嘗輕禰生振孤翻笑傲傷人情黃
公獨何爲幸有殺士名奇節不可辱獨使奸雄驚末流
重繇禮俯仰見扳縈憑高望江波洶涌似不平千載茫
茫者徒聞長歎聲

贈別黃子春淳熙

世人貴奇士凡鳥趨鳳皇良無千里心空復慕高翔夫

子履卑位虛譽爭激揚微睨裏衣人此意非彼量掉首
乃辭忒崎嶇歸舊鄉大江動我前陰氣亘重霜雞鳴赴
壯志安得不愴恨吾亦澹蕩人空手難爲良荊和抱白
玉三季泣窮岡一爲明堂寶足令笑者傷

除夕登岳陽樓

爰居視海色風寒氣不振側羽清漢尙棲影岳陽門高
樓百層上豁達臨風雲重闔出壯構曠覽窮湘沅川原
浩茫茫舟楫盡東奔重湖信天雄坐鎮設巖垠梗制吳
蜀間帶甲阻兵屯當時指揮意動靜實屏垣誰謂游觀
盛華飾日以新巴北旣失成丹雘亦空存今來覩遺規
寂寞莽與榛飛闌尙巍峩眺聽極心魂願告賢府主設
險守所尊宴安習嬉游詞詠不足論洞庭懼涸絕非我
獨困鱗東南覬微蘇方期發陽春

弔陳希唐詩一首

寒波回洞庭落日望通山沈思閱悽響念追有餘歎婉
婉我君子出宰履世艱泰消隱賢軌貞厲輕凋翰蹈刃
實仁勇霾名屬微官宿昔厠七賢神期緬前歡如何一
俯仰便佞生舛間宿艸易春榮劍樹無時攀慟哭送哀
淚不得霑墳巒初疑酒壚泣滯往非達觀舊感淡孤懷
忘情獨良難沈飲亦罷御矧子廢涓殘朝露本脆促閔

凶信非寬物盡魂已滅虛名復何安焉用千載下哀榮
飾空棺再思城門拜心竭詞已殫

擬秦嘉贈婦詩

人事生離端夙駕不可緩良時在明晨日夕望君返憂
傷令沈疾報我隔遼緬敘別無窮詞握手猶戀綵何況
在遠分善懷恐爲患我情亮不任安能爲君勉裴回聞
車聲思中信難轉

擬孔北海襍詩

峨峨天門開竦身望淮河小人善奔走萬里自委蛇汲
汲上皇人仁義一何多商鞅變聖道千古遵常科豪聖
驚世變智力相騰夸虎步橫四海安能待時和鳳皇尙
不至何況孔與軻

擬鳳皇集南嶽

神龍游八荒妙化不可尋窮冬還舊淵波浪靜且淡豈
不自拘束萬化非我心天人既清和方當起甘霖
鷹隼喜秋氣顧視獨高清豈不慕仁慈威用不敢輕鳳
皇則不然守道爲常貞百鳥雖異性皆願逢休明

擬阮公詠懷

開秋啟常度芳原扇微颺涼蟾側夜光屢轉在我衣清
吟欲誰和孤響結遠懷鳴蜩及宵唱元鳥告當歸晨雞

本無感昏旦自相推明發還空牀惻惻中自哀

擬陸內史君子行

宵人愛崎嶇大道多長消居處苟不飭譬若霜中茗石
墨怨白污緇素苦塵臙旣戢岐塗慟將託宜陽要魚冰
鑿祥枕虎市昧參謠二疑殊其歸由來因一朝覺積感
鬪心恩重奪慈昭賢塗退軌進錐利市傾朝皇覽豈虛
察懷之在承蜩君子防未然積微諒所招

擬陶令觀穫

村農雖謀食安命不憂貧力田豈無逢穫稻及茲辰清
朝集南畝少長旣咸臻歸來茅茨下飽食慰劬勤濁醪
久已儲祭後約比鄰婦子同苦樂衣服亦暫新年豐酒
食多此禮自先民歡然數日間不異上古人人生須幾
何要路日逡巡

擬郭弘農游仙

尹尚無高懷巢由少聖心貴賤豈常好斯意獨有欽昔
人寶荊壁別剗暗孤尋幽藻愛鮮陽靈果怨遲陰旣辭
菌松侶鍊液歸九金矯然雲霄上歸鶴響餘音忘筌得
所超揮袂發高吟

擬謝康樂石門新營所住

超踐無恆棲偶賞寄山澗乘巖開林貌履澗靜湍音翩

雲絳春霄密霰皓冬禽桂華始芳露棠條便總林瓊榮
睽良覲玉罍遜孤斟敦言事非告召會迺予箴披蘿謝
朝市沿樹疏陂岑陰石忘冥曙陽溪見蕭森月欹影崖
易煙叟蔭壑淡地秋萬谷迴風落一籟吟物盡情在虛
象隱神孤尋貞秉百感退朋違獨詣欽信美斯吾室旋
子宿褊心

擬謝宣遠張子房詩

賢功緯八紘治德驂百王佐時豈不淑微管寄一匡蒼
靈眷宅顧定幙實膚將神符契懿策天步改羸昌灑落
動昭融風流冠軍行籌箸開成敗躡履悟興亡夷秦弭

卷一

五

五古

虎視卜陝遂龍驤倣功非始福末隱善韜光臥招綺皓
出坐歎彭韓創神宇匪輕樹綜效願收良皇心穆閭憑
葺館啟楹光豈伊懷借才馭柄教躋康文楨濟多士觀
典謳盛章榮河纘先瑞憲武載雲揚帷幄伊何寄展能
覲羣襄微生愧珥毫局促望無梁仰占卿縵華旁綴赤
輔疆希古如可續執策遵景行逢榮陪盛儀高步庶兩
頰丹青不渝勛顯霸爲弛張

擬顏光祿登巴陵城樓

戒服徂三荆展軫追二別華疆割區要羈情懿披閱冠
堞驚漢穹襟城擁閣闕激勞高淡浩蕩載奔折沅湘

氣孤盤衡郢衛雙列千濤互動靜羣巘根出沒控徼屬
明袞冲襟訪遐哲楚悲昔常聞荃寄今繁烈道往余何
嗟觀化已超越絜纓吟滄浪歸與固良節

擬休上人怨詩

明月皎疑寮裴回似君心空帷情虛無蘭室常獨陰初
爲五日滯三秋守孤衾晨妝對方池涼藻帶華溥鮮翠
依芳蘂嘉鮪佇清琴願因梁塵起清夜繞君襟妾身已
多端誰明千里音

擬江文通望荆山

駕言首荆山曠然望楚城北轅控宛洛南軫極揚衡霜
秋江漢炎皎日洗孤清涼風激長薄寒木建高貞元鳥
已更適征夫安得甯緬思郢中客餘唱感我情二游豈
不懷三歎難爲聲方轡遵常塗歲暮告嚴程勿矜清瑟
幽亮無勞者聽

詠古詩四首

三良 三良詩者告用人也繆公鑒武夫之失覆二
陵之軌作誓自責傾心老成尼父采之信仁君之悔
也子車三子初以勇力見任恨其昔賞防其後亂遺
命殉歿以激勇夫將以隱消未萌顯受過舉乎則田
疆三子見誅二桃踵其智者以爲善畫夫虓虎之士

聖王爪牙苟以矜軼亦在所制若轄之邊邑以禦百夫使國無棄才士得自效並驅於穴何其愚也此左公所爲歎霸詩人所以念贖也夫惜士御將主柄益張卽秦之疆不待孝主而康弱於晉宿將不存乃爲此篇以戒猜備詩曰

誰岐慕勇氣我君式豪英束髮備旄頭受寵出明堂愧無廟算略超乘逐輕兵恩選謬見要三泉侍榮光殺身見烈士惴栗上連岡平生亦何畏恨我壯志戕不能疆場从共殉恩私亡馳驅分旣終灑涕望枯桑垢累明主義乖迫愧中腸

晉鄙

卷一

七

五古

秦兵攻趙都從橫勢未分信陵說不用魏卒遂空屯晉生實宿將擇利制三軍合符捐小信識勇固絕倫抗手詞侃侃稜威意斷斷如姬成虛盜劍客盡遂巡茲臣國所寄臨敵重千鈞挾詐殞元老誰謂公子仁將帥相殘殺君臣釁遂眞至今空壁下想見嘆喑人向使合兵前指顧見亡秦誰遣屠沽兒一擊竟論勛

項羽

身中从生易眼前離別難天人事不齊仁勇覆構患項劉昔連兵垓下楚卒單雞鳴起置酒四面巖風寒壯士

心膽橫萬騎莫散于虞雖獨何爲牽頓就凶殘虞兮雷
且歌雖也公頓鞍歌舞一時罷鞍馬萬眾前夙昔同意
氣如今各汎瀾霸王偶然運得失自我權顧念存亾際
未若此別艱人生恩愛情豈足傷逢觀猶勝西陵上愛
子託人間

劉琨

中原喪無紀海水縱橫浮颯塵舟萬里王綱遂如旒桓
桓太尉公杖節匡神州超然赴國難烈氣橫霜秋天人
互乖違親暱化戈矛孤臣外則已忠義豈自休羌胡兵
甲彊想與金霍傳盧諶小文生安能逢此憂殺羽樊籠
丙感念摩天游昔爲五霸雄今比布衣囚惟聞莫鄒折
甯見于將柔壯士多苦心處困氣愈適長歎何爲者朔
吹爲啾啾違天信不祥廝役盡封侯誰令抱忠信身外
懷百憂

新秧詩

布穀日夜飛川原藹如畫晨風吹新秧眾艸失秀色青
青望若翦纖纖間成埒雨晴秧俱鮮雲陰媚將夕殷勤
農夫願慰此眼中澤有秋雖末期生意滿阡陌力耕自
忘老時過了不憶倦塵獨怱怱方春每成客

同保山仙苑寺作一首

芳辰無近尋林薄，愜幽止瞻巖。契靈棲轉石，粲清泚。高
梧上離離，輕藤下纚纚。鳥鳴綠陰外，山納疏窗裏。雲構
自回環，修修虛壑寒。誰工削成壁，空青自然關。靜緣結
遙樹，沖衿激湍湍。情閒易爲賞，勞增難與刊。卜築余何
羨，布穀飛平田。微風山逕冥，惟言樵采還。

蕙漪集詩

淵魚非慕水，真性不在山。神識偶然會，因緣遂相關。冥
照中無存，適興得所聞。所以爲此名，良契不可刪。動靜
日以新，千載相往還。

紫苑洲坐月

卷一

无

五古

月明山始煙，露下江已秋。潭波影溪樹，參差共爲幽。夜
岸隔人語，清歌散圓洲。微燈若流螢，動定俱悠悠。孤賞
既有寄，蕭蕭隨去留。

望鳴崗山水作

疊巘含隱秀，高人良在茲。陂道玩曲折，歸雲信委蛇。夕
陰楓葉明，曉露飛鴈稀。寒來恡餘芳，節往悲今離。折瓊
眷，勤想停策澹。所思杉柏合，圓洲清流汎。無緇孤賞寄
高望，歲暮理亦遺。

冬雨感懷寄龍李鄧高

沈陰結朝昏，寤寐何爲哉。寒雨將朔風，蒼涼向層臺。羣

山合微漠所感無青茝豈無松竹榮菁菁不能開霜露
久已厲獨立清且哀求仁既自我愴惻悲楚材孤憤和
眾心激烈平生懷

薄暮增遠寒夕雲冠穹霄虛庭接陰檐前林悴陽條端
居一身外羣情共瀟瀟水淙川梁曠夜色涵波濤褰裳
不能厲裴回念同袍晨風戀北林朔馬傷南郊積霰灼
遙景永路愁孤翔鴻鵠溼不飛爰居風自號甯憶仲蔚
子窮居滿蓬蒿

對雪作

衡樓接幽情開荊有餘眄寥寥帶空雲翳翳集寒霰飛

卷一

三

五古

費皓已盈物象光不遠凝輝莫彌照送懍風逾卷歲晚
生理窮連柯感榮變獨歎嶺上松貞秀卓高建尊酒清
余心瑤英念時淺袁生苟不逢陶節負淡勉沈冥謝塵
外悠懷此孤選

遙傷范質侯元亨詩一首

范生有淳性所困在窮數淡心向名理潛精永幽草壽
天皆不名中道迫濛馭大觀信物論人命無貪慕損益
匪在身糾纏難再悟其一昔我與子聞千里隔良晤形骸
信外觀在遠道彌固如何一辰意併與千秋遇想音音
不存思影影非故何時見范侯惆悵寫情素其二長歎阻

遙征仿佛覩容聲空持篋笥書慊慊見生平執紼尙無
期何由覲遐靈嚴霜輻輳車出送子以遠情歸化既有息
歌哭非我貞莊周歎惠子君子感狂生收淚覽至道遣

翰書乖熒

其三

襍詩

遲月半宵窗娟娟初醒佳人處蘭室滅燭思離情幽
戶無外響微風有餘聲屣履安所之虛心對空庭淚爲
玉枕滋恨與瓊樹零徒聞曉來雁肅肅且孤征

風吹彭蠡波日落潯陽臺鼓吹無遺音壯士不能開張
公兩龍劍豐城安在哉落葉千里心蕭蕭自西來節士

卷一

三

五古

當此時孤心恨如灰彈鋏登高原四望令人哀銅駝交
荊棘痛哭始此回

述懷詩七首

豫章無洪根枝葉安所樛盤石失泰山不如一蛾北哀
周蕩無章弛政絕天猶一朝布衣人撫劍觀九州誰謂
十日神羿弓豈虛收匹夫旣得志永爲聖明羞黃鵠無
六翮下與燕雀儔噉噉九臬中意不如周周慈惠未易
施全國在克謀借問當路子矩步何所修思欲一仿倂
靈曜忽西流虎步三衢上意氣橫嵩北請謝諸少年曲
直難相求驅車萬里道跌蕩銷我憂豈不終憔悴聊以

爲優游

驅車涉廣路，裴回洛陽陌。問君何所求，冠帶將有適。交衢通承明，下馬拜雙闕。日晏浮雲陰，飛塵動春色。所遇非我心，何爲自勞役。人生如春艸，安用比松柏。忌諱相排推，誰能守孤直。旣不甘貧賤，歧路多所戚。不如少季子，炫服要美食。百歲爲歡娛，轆軻亦何益。

灼灼宛童花，弱蒂搖春姿。自無青松託，焉設陵秋時。常恐鷓鴣鳴，不得隨蘭芝。聞君念我寒，日暮自修持。歲晚安足論，但患軒車迷。君子恩未及，涼風厲餘威。旣來孽空條，歎息將何施。豈不學蕭艾，非君之所期。

卷一

三

五古

人言喬松樂，喬松良獨難。裴回九州外，意若雲無端。復隨飄風去，言至洛陽山。荊棘交日月，白楊被長巒。下有失雄鹿，躑躅鳴聲單。顧聞離獸號，有似故所歡。且欲從之游，道里修且寒。蕭條日暮心，哀樂共相干。悟彼黍離詠，徙倚七宮間。旣與神識游，疇其輟此歎。

燕巢高堂中，所託誠亦微。啁啾藻井旁，常恐彫楹摧。榮華有衰謝，但惜時命非。蕭條柏梁宮，倉卒建章臺。往古猶代興，林木未爲災。如何少季子，甲第耀中街。但覩新賀客，不見生蒿萊。嫠婦恤周室，誰云非我哀。

出門望千里，千里安可知。豈爲目中見，曠蕩良有之。寸

心若懷陰冥色相委蛇浮雲尙異鄉焉得通我辭誰謂
川無梁舟楫昔所施本無佳人約徙倚自生疑颯風激
高輪疲馬暮思歸此土非吾習途窮當見欺

余生三季後茫然知古初所見既非眞孔老其欺予帶
索而行歌譏諷常自娛孰謂負郭子門巷無行車仁者
不伐國中抱常宴如巢父無箕山高節亦安居顏生并
一餐簞食頗有餘方須秋禾長言歸理榛蕪但復得高
詠飢飽非所虞

擬郭泰機寒女詩

皎皎春蠶絲切切寒女機幸因杼柚心盡我纏綿期黃
鳥嗚中園孤妾方愁思誰能秉刀尺慊慊在空幃寒衣
已過時紉素遂無輝經年篋笥中潛光守幽姿歲晚雖
見求故色不相宜裁縫復捐棄工巧竟未施翳翳東軒
日流光照西墀及君始朝食告妾調飢懷

寄懷彌之南昌

雲開望前山悠然念所親心悲夕風前目送千里春遠
客此何時薺麥秀平原鷺鷥澤啄啄雉噉噉泳波鱗飛潛
各有適山水尙清真別來未能久良願日緇磷濯纓章
貢水想念故昔人楚歌亦何怨湘上有松筠

孤螢尋空院微雨初寂寂間房惜清言悠然望佳客坐

拂陳公榻居從子雲宅執戟非清途懸塵帳餘席裴回
臨高樓明月照素壁春燕時翩翩過我慰相憶恨君無
高翰芳時見流易虛檐感雙棲今來負平昔

憶山中艸

芳艸尋舊山希陽散春遠東風不到處客思絲絲滿新
禽既雙下馴犢常孤返開門桃花落照水蒲茸展惟有
寸心知空言離別淺

登武岡城東高寺

荒城常早昏高殿肅古思平階對空杳環郭伏參差遙
冥隱重山近夕漾餘暉炊煙稍孤上連雲似羣歸茸艸
秀晚川苑芳零夏枝餘陰蔚眾綠曖藹交洲坻漠漠布
穀音萋萋黃鳥飛既歡勸農篇復感求聲詩欣戚信代
終二願豈俱違良序不我惜懷歸恨無依

感舊詩

長飈送驚蓬一息不相舍念我地下人潛姿罷幽駕春
氣動空曲芳艸無高下孤墳遙相望墓木各已把幻靈
復終窮悲歌何爲者噫咕鳴陰巖似欲傷代謝豈無含
生理微身託羽化仰視隴上松千載若朝夜形神更相
弔愚智莫能假誰當奠尊酒歌哭方一寫

玩月作一首

感彼蓉池詠惜此清夜歌華風奉輕衿言游北山阿嘉
樹下成陰鬱鬱交珍柯飛橋曳平煙宿燕起相過初月
靜餘光列宿共清和有來豈非適無期已云多極意隨
象化憂樂將如何

七夕立秋作一首

風靜玉階迴露下銀河淡靈匹眷嘉會素節赴商吟步
櫺循長屨移序緬孤襟彌季旣感昔重歡非覲今修渚
猶可陟良時逝難任虛庭一葉下微月千里陰蘭閨常
早寒藻杼怨空尋悠悠黃姑浦眇眇瀟湘潯涼夜響初
雁淒聲帶城碓曉駕怨星離秋服感客心俱懷別後期

卷一

五

五古

佳覲竚所忱

夜半作

陳王繇霜賤江生檐露篇本自別離意值此凋芳季思
蟲切清吟孤鴻響悲弭暗牖閉寥冥輕幃自飄翩情人
起淡夜半寢懷故歡盛時無再榮遙意坐九遷迅節驚
望舒涼飈赴通川湘濱有雙燕將別復翩躚戢恨空階
上送意飛雲前

八月十五夜至二十夜月

昔人愛秋月嘉節始命觴孰知清輝苦久與秋宵長歎
輪悟虛理遲度勞永望微光照逾淡繇星帶空涼裴回

眷秋衿擘之若懷霜冷冷初散風娟娟稍升堂玉池波
已靜金鋪箔未黃季與佳賞并久覺離思忘惟應惜無
膠遠寄朝鴻翔

彌之領撫州軍罷歸奉贈三首

高名不可居進退亦多端仲連處圍城乃心在平原一
言卻秦帝長揖歸泰山雖非賢哲士非道諒不干柰何
當路子夸毗自生患棲棲竟何爲忝忝不復觀踊金伊
何咎大治職其譽連城豈不貴抱劔用傷殘國寶棄荆
棘迷邦誠獨難和氏不三獻誰爲大國賢

南山有奇鳥自謂鸞皇儔適逢長風起曠想陵九州朝

卷一

五

五古

辭故山侶下作塵中游音響令人驚燕雀起相讐縣景
桑榆間四顧嗚啾啾木槿爭朝榮靈樁競萬秋得時各
僂俛失勢共沈浮物論故不齊安能慰爾憂

生年好弢歌危世始清名初願不克建秉羽事長征棲
棲六月內鼓角發炎聲蕭蕭赤日光但見旆與旌權家
非吾寶豈不慎維兵國恥未終雪小人不皇甯園葵傾
太陽道遠效微誠幽身隔天路俯仰惕慚驚季藏鉛刀
用銛我一割榮寄言藿食者君當謝請纓

別辛眉

十載更九別疇能長盛季微風起冬郊復此告當分短

日曖薄陰飛塵翳平山班荆寒北上蕭瑟訴前歡森森
遠松高策策羣林單俯歎清霜葉裹回歧路間君子不
我與誰與同歲寒

並驅出東郊馬樊不肯馳悲鳴相先後似欲傷乖離況
我同袍子念別在須斯誰言會日近一息如三時誰謂
歸途易獨往情已疲寸心如明月已合願不虧僕夫務
前征恨愴與子違望閭欣溫侍反策怨孤睽二念既合
并中路又何爲

贈從兄世禔詩一首

遠游不可懷歧路難爲心萬里既局促歸駕方駸駸羸

卷一

五古

五古

駒指荒路日草揚哀音元黃不能前十息猶淹淫艱險

諒已終行子瞻故岑

其一

故岑伊如何昔別豺虎間凶徒

掠城邑烝黎竄榛菅時平困賢豪小人享治安兵多令

事敗民蹙賤愈繇禍生豈無階逢此百恨端誰能顧家

室父子不相完忽忽登前途靡靡含辛酸

其二

前途何迢

遞桂林多荆杞蠻越匪我親我親在千里風露零空山

煙埃被塵市無家常野宿蛇虺驅我起白骨何縱橫崢

嶸驚游子感彼三季征傷茲亂離始

其三

始亂誠未央三

季復已徂季徂猶可追斯民竟何辜遐荒隔恩澤重災

不遑蘇晨登獨秀山東望浮雲驅况無雙飛羽一息翩

超踰顧視飛蓬征憂來泣道隔其憂來不可極客路具

難紀風塵動平原山川蔽地起寤寐傷母懷音響在我

耳世亂骨肉親何況母與子溫清苟不慎一室猶萬里

慈顏有時衰游子無時已倉卒離別情今歸共憂喜其

憂喜復何爲運數已可疑人生圖長聚倏忽成衰積世

母既永謝弱弟牽衣唬高墳多青艸奠醊爲酸嘶門戶

昔未衰實我從父慈奄忽一朝事豈念百歲期孤魂翔

母側髣髴窺靈帷家中幾何人一載邁兩緘望子子不

還泣我我不知其六知命誠亦難輕身亦受愆辛勤竟何

成厄怨動相連伊余慕東菑躬耕尙無患兄其慎離別

卷一

五

五古

守道永遐年何必坐崎嶇生歿貴賤間同枝異榮枯豈

不愧古賢臨風寄長懷曠望浮雲端飛鴻獨何爲振翻

陵九天不惜終寥廓爲君歌此篇其七

夜興詩一首

厲心惜積年間居忘祖序守靜知夜長聊復循所慮屣

履周步檐寥寥出游顧殘月缺始升依我玉階樹不知

新秋改但覺涼風屢艸蟲何悲鳴已似怨寒露玉衡無

停指微質豈不故寂愴淡道者精微發元素固節非余

良古賢以茲度安見陵上柏冬春無所慕

感興詩六首

金鋪元夜凝寒氣下空曲霜鬢吟間房飛鴻早已宿佳人踰三時歸期曠不復暫往猶經年密途遲來牘熒獨非余嗟念子亦孤宿帷幙無餘聲微風動明燭輕衾委牀隅蘭鑪有遺馥勞想隔徽迹精誠越川陸

孟冬雖未寒時淡氣已肅輕霜棲弱艸驚風欺危木黃芸能幾時高枝森在目志士悵華徂媮生忘年促暮節既有窮觀生以之勗

憂道固云是憂貧未云非雖無一頃田旦夕常恐饑皇運允昭警沈陰伏三時詵蠅蔽層雲氣煖將爲災桃李亘霜實竹萌貫秋披蒸霖潤楹礎積垣自成衣側聽承欄奔仰懼若木萎菊皇周室隅但見陰蟲飛田父釋耒愁稚子當階嬉餅粟未嘗盈安能早防飢君胡能逢生逍遙詠無爲

郢客奏流徵廣術獨孤吟一爲巴人曲市井皆知音眾情矜衡品好惡逐升沈疏越遂永廢清廟重哇淫里耳安可違牙曠長苦心黔婁受相印管公拾鋤金常與汎汎游聊以爲時琰

燕人寶卷石居然笑明月眞僞雖炫惑於心有流別柰何浮游子俯仰爲人設歐駱貴章甫違心自欣說宣尼抱遺寶窮年摧倦轍九夷非所懷行行自茲訣

江淮繇盛地餘習染遐方荆衡筆路區陋俗寡文章土
風有素節服食安固常既無金張業華簪自影揚東鄰
擊鐘磬北里吹笙簧冠蓋集清晨長夜樂未央寂寂羅
含宅寥寥閉空堂不聞春華美但見秋蘭芳豈曰慕高
尚喧寂兩不妨

長沙鄉試贈資柏丞劉采九一首

涸源甯慕涓積山非待塵伊余會艱險久欲謝衰文何
意秦廷士荒年希貢珉高舛隔鴻舉蛸蛭求蠖申之子
啟茗秀時沈學逾濬離囂谷翦芟微行褐懷瑾恭命應
朝典同疆展芳訊投難寶全身欣覲余衮吝徵賢遠賢

卷一

四

五古

軌逃世不逃名獨坐清秋夕沈憂藉友生零雨委荒艸
屯雲結高楹對燭南冠館分席洛陽庭運來稱嘉會道
往悲徂代觀生國步蔑方年弱齡邁春華能幾時少壯
非余愛睽合數靡常榮落理必對萍散廣川淨木落長
年悲扁舟州渚際雲物增淒沍疾如思衛諉擘彼懷商
芝竹瞻衡陽月洞湖武陵湄危心猶未量離憂復從茲
贈徐叔鴻樹鈞詩一首

薄庸愧多難弱冠謝高翔折流無藏曜懷寶寄陵陽一
荷行年署構廈厠榷章貞松厲孤巖寸莖擢喬岡榮華
及時敷高下豈相妨天桃慚晚凋然後識嚴霜徒恨根

株微時軌亦摧藏荆筠伊何直弭箝依孔堂歲暮見之
子溫如覲纁璋同條非異榮肇允實傾將勿謂良時易
年弱道自彊勿謂令名遠取之在周行小人道易消權
位不可常總總彼都子戚戚三衢笏賈生有俊聲弘子
無遺光德淡由理充量淺患名彰望愛交至心賴子激
中腸雖無漿鄰智願言託承筐

十月初五日望月

遙漢浮澹色眾星有餘光悠然望新月已覺江山涼東
暉始映戶西陰漸轉窗積垣無旁曜高葉有浮霜上客
集瓊筵思婦凭華廊幽照良未足麗影不可忘寒來其
如何積思盈空房

卷一

望

五古

從梅花渡過谿山行

雞鳴通遠村茅檐覆微雪宵炊煙始高晚洲樹方沒歸
人傍川渡依途自回折巖風曲澗厲夕景平沙歇浮菰
落寒翠冬蒲吝春節倒波自陵亂枉渚窮趨越攀秀睇
清瀾澄芳鑒明絕回首遙山人窗間指帆發幽尋若在
眼遐瞻帶如髮隨悟興未遲開襟理無忽微躬如可淹
勞形詎成達

良馬篇

西風吹沙去良馬千里心落葉當人前蕭蕭作商音伏

樾恥壯士控轡登高岑時曙四望間但見浮雲陰長筇
指東北日落光森森短劍不敢揮賢豪坐沈吟孤行九
州內常恐異患侵泥沙困神物自古埋霜鐔所願逢烈
俠贈以代兼金義不隨郭隗燕市共浮沈鞭策儻及時
從君出山林

歎道旁荆棘

昔人歎松柏歲寒不凋枯誰見荆灌叢陵霜亦敷腴上
枝藏鳩雀下根走鼯鼯寒飆滌高岡靡靡見青蕪不如
前山樹榮悴與時俱肅肅有正色時危道彌孤微才溷
嘉妍瑣細耳目娛貞心苟不存終當付樵蘇

曾陰

卷一

望

五古

鷓鴣怨晨寒夕鳥感枝殫曾陰合萬里慘慘時節闌重
衾不溫寢方念獨宿寒佳人惜良嚮帷幘不遑安衝風
過玉階出戶望庭蘭餘華無久居婉孌少容觀我願采
其葉相寄諭凋殘素手再三摘惜子根株單誰能更摧
折取媚旦夕間

擬阮公一日復一夕

一日復一朝一夙復一生歷歷非故物紛紛有故情臨
階觀萬物感會通冥冥榮枯遍朝市豈不慕千齡如彼
窮達士計校亦何精推挽在一時哀樂累微生置此俗

間事爲君暫屏營旦暮有變化無令智慮盈
擬陶淵明二疏詠

盛衰有定期彼此更相居借問持祿子此身竟焉如邈
邈皇漢庭辭榮有二疏挂冠出國門解佩對塵裾父子
一時忒高諠昔所無羣公美盛心感泣傾京都多謝游
宦者幾人返鄉閭餘金孰云多酒食應時需子孫復何
求爲我恹區區計校升斗間豈不愧本圖名言喻鄉人
曠志游八虛擺落窮達慮長歌託歸歎

湘綺樓詩卷弟一

卷一

望

五古

湘綺樓詩卷第二

五言二

長沙湘潭王闓運字壬父著

從南昌至臨川一望平林沙田作一首

寒原送雲日空秀無遠近渺然恬澹意浩若滄洲影輕
煙有餘妍夕照見低隱遙瞻山漸微迴觀勢難盡平林
多貞姿蔥翠自相引既得汀渚趣庶覺塵勞泯緇鬢何
足矜忘年託松菌

金谿東鄉作

長征鶻猶鶩道遠歡不謝明月忽照人如我玉階夜貞
林潤寒綠淡巒帶遙畫巖曲景易新瀨淺水難瀉冉冉
驚歲徂依依感心暇情眷幽蘭隱日覩芳茅化隨物既
推遷達生豈悲詫萬事如有期曾是吝歸駕

南城至貴溪多曲徑密林冬樹青青時渡川澗水純作
銅碧色清淺映底

旅人知久別幽閒願歸窻陵晨路已緬涉澗風猶送霜
煙互蒸靄林壑涵靜動輕銅漾凝碧遙石分青翁鑿波
影逾獨登梯感誰共遐想謝公迹近矚麻源洞委曲情
屢移優游道難用勞形亮無適孤芳詎堪弄永作塵中
游將貽逢者慟一悟竟安遣外物徒相控

湖饒水至玉山

水宿前塵襟塵前弄芳潔雖無蘋藻秀波石亦可悅文
鱗蹴寒碧飛玉漱瀾雪密霰濺潺湲風水鳴清切沙禽
哀夜寒潛魚怨梁絕微物無離憂茲心果安設伊余本
懷安羈行自總髮偶與屯蹟離已覺勞逸別方託楊朱
戒舍席終可奪

雨宿江南步始入浙境作

役車久已休游子難爲心日短道更長興淺思始淡
遡颯犯嚴寒輿轎趨遙岑密石路修潔陳莽榦荒森
飢雀過隴急同雲結風陰墟市藹相望煙起成一林
越國旣改觀殊土漸移音白雪孤楚奏涉江愁越吟
暮節物多感微我獨不任若逢同心寤知余幽獨琴

七里瀨雪中瞻眺

峭壁埽纖煙微雪拂更碧夾江波勢洶沓嶂天容隘奔
湍隨歲晚重雲自古積身依孤棹忝心愧垂釣客遙遙
竟千載汎汎誰再歷隱見豈余心貴從性所適欲攀山
阿竹且拂澗邊石孤游非久要意愜轉成戚

江濤積冬春寒雪更昏晝飢禽久無聲郢曲猶一奏荒
林似如昔竦嶂遙相走落石麗雲錦峰巒攢華秀乘流
逐岸轉遡颯苦寒驟苦辛爲誰故屯遭未云負謝公遂
已天巖子終頤壽山澤願雖同名道詎兩副觀此將淒

其虛舟庶能宥

出嚴陵灘至桐廬

客心貪名境桐廬接幽觀空波稍渺茫漁艇得疏散平
洲方右迤曾山漸左羨日暮陰雲升風過潛波渙龍蟄
固存身鵲飛甯假翰古來賢達人羈游不可算但恨所
志乖貽阻焉足歎及此歲無幾長歌且申旦

富陽

玉瓦映朱樓雪照千家縣溪林翼孤峰煙擁三重觀青
瀾既潭沱寒樹猶明棊悠悠扣楫謳渺渺驚鳧亂賞心
不假言餘秀殊可翫

錢唐

卷二

三

五古

扁舟汎綠波波痕不可迹分棹激泠泠飛雪增浙浙羣
山入雲水遠岸明竹柏南瞻界一線北睇殷千巒豔歌
已雲散雄圖久淒寂波潮來逐往陵谷今猶昔歲暮如
可嗟古事詎勝惜聊且齊悲歡逍遙以終日

宿漁浦潭坐寄婦

宵牕故山梅灼灼春前榮曉看平洲樹纖纖雪中清路
遠思不邇何用采芳馨想見倚幕歎甯念孤舟行雲昏
翳後途水濶鶩前征極望已悲慮况乃離思并知衰不
覽鏡懷音儻報瓊卽是相傾企彌增他日情

夜半渡浙

雪渚雁鳴風夜江雞唱寒寂聽動哀響寥亮滿江山羈
情苦飛越憑虛忽超遷餘清媚菰蒲素碧隱霜漣曉色
物曖曖暮歲思絲絲本知虛舟逢誰云舍筏賢

除夕登吳山觀杭州城

伏生眺武昌庾信哀金陵王氣一朝盡山川不再興茲
邦信赫富夸情坐相仍窈窕呈市肆綺紵追上陵冶游
亮成俗靈境共攀登漠漠俯廣遠輝輝麗彫蕘鐘漏競
曉歸簫管並風升賢逢旣彌代土風不可勝聲明寔蔥
蒨佳麗見嗟稱誰謂蓬生曲化俗在賢能如何視推遷

卷二

四

五古

衰盛竟無憑武功驚遐邇成敗互相乘雄圖獨安寄太
康有遺懲慘澹羈客懷憑高意飛騰心息思何其歲晚
歎無朋

正月三日汎杭州西湖從靜慈寺過孤山作

瀟湘不可望溪秀如在目汎舟清湖陰幽想頗相屬連
嶂合近郭澄潭映遠竹雪明樓閣靜影散淪漪綠名境
非眞靈傾城恣游矚炫服知俗荒積基念民蹙日倦西
陵下賞會孤山麓喧寂余安從前修恆抱樸

月夜渡江

自從錢唐來久絕浩渺觀今爲揚子渡曠若溟渤寬挂

帆便輕風鼓柁陵遠天蒼茫煙波際仰見孤月圓迴望
已悲壯安用憑波瀾空明千餘里始覺天地寒靈境不
可居靜夜想無端太息濯塵纓歸與殊未閒

詠史雜詩八首

仲蔚居貧園蓬蒿翳人迹矧茲宛洛游所安在容席窮
巷延古苔叢榛蔚荒碧孤雲爲我朋飛鳥爲我客素心
何必多褊性喜地僻雖無琴酒趣縱放聊自適沈吟若
有願高致邈難匹請謝當途人無爲問伐國

薄暮游燕郊思古登高臺浮雲乘海氣悽愴從東來滄
波不可望仙駕在蓬萊曾聞古徐生一往不復回秦王

卷二

五

五古

攤六龍帳殿臨蒼崖樹羽照千里鞭石遂莫追不見安
期瓜但覩驪山灰人事終已矣天道長悠哉

期門游俠兒小小好弦歌雖爲燕市游志不慕荊軻一
朝被軍書驅馬向交河黃塵蔽曾雲易水自生波垂淚
聽變徵返顧空咨嗟人生有非常歡樂常苦多時變相
迫促棄置當如何

李斯臨東市仰視白日光悲風卷沙礫慘澹交衢旁黃
犬亦何恨身舛墮國綱羣盜滿關東讒巧在君旁鷹隼
不虛擊何爲誤見傷利害寵辱間反覆烏有常陵谷在
俄頃千載用慨慷

亭亭高樓柱蠹朽埋荒菅本無干季節焉怨高風寒摧
積糾蔓中豈復念彫盤但恨梁棟少匠石用空言丹飾
豈不美璀璨難久觀蹉跎廣夏材棄置窮谷端傾覆君
自取求仁又何怨

佳人步瑤宮明秀若蘭金希心託朝陽比潔濯春潯華
實不並暉獨處怨幽淡幽淡亦何訴泠泠奏清琴一彈
風雲和再唱鸞鳳吟鸞鳳依有德翩翩愁我心

子雲初冥思東方未上書上京富文藻來朋慰離居寂
寂今世事逝將與我疏游鯤運四溟潦鮪樂一隅汎汎
有自然規規欲何趨

卷二

六

五古

窮居觀時運悽惻懷有道違物非至貞萬事何紛繞衰
謝相催促達士不知老如何夸名子意氣傾懷抱榮祿
未及終已復喪所寶念此能幾時端然至天曉

將之濟南畱別京邑諸同好

秋林鬱榮條氣煖芳未折南士多離心孤懷感鄉節盈
思難久安駕言且東發嘉筵因事集帳餞傾時哲甘肴
充八珍舉觴過三設雖知面對期感念目前別殷勤豈
徒斟厚愛愧將闕興來無獨悲酒醕歡未歇旋車過天
達微風吹華月霜露已云睽山川邈然絕何用慰歲寒

令德指松柏

皇居冠文物英彥起高驥志士履危時慷慨思隆康龍
螭在變化進退焉有常但恨處卑位所願不獲彰不覩
鷹隼擊肅殺志高翔遠望長風起始覺天地霜思彼燕
市豪撫劍觀八方縱心復何求朝夕醉一觴

燕趙多奇舞要眇赴弭歌華容競時妍廣坐呈修蛾知
音古所歎眞賞意不多安得窈窕房爲君奏陽阿昔聞
三楚秀曼睩代層波時節忽流易此志常蹉跎荃蕙猶
過時況爾臨風柯時曙九秋別君子其如何

汎大明湖登歷下亭至鐵祠佗一首

野心愛蕭條閒游易悽蕩放舟荒蘆際獨抱清秋賞茲

卷二

七

五古

亭有興廢遺迹餘想象誰論古基在但見今人往裴回
彫檻側逶迤綠波上寒風拂林樹落葉委荜蔣離離動
遠色瑟瑟無停響人情慕畱景感逝增一愴誰謂顯晦
齊無名道安獎古賢共論此寂寞濠梁想來者如可期
孤咏聊自廣

爲蔡與循婦往返二首

嘉會無久新華季如斷素結髮侍清塵僊俛歲云故昔
送易爲別今懷已多慮寒房常早眠明月照我戶循名
愧一載離會一何遽薄衾擁虛景婉變爲誰顧良訊猶
空存來鴻矧無遇希君游宦成見妾紅顏暮

蕭蕭緇塵起翳翳孤雲飛浮沈亦何遼念我與子違淑
音往如新歲紀忽已非初爲萬里別常若在庭閨情敬
苟不隔何必慕容輝京洛多游子非我獨不歸寒來夏
始密節往思更稀願以三秋會報子陽春期

寄懷劉先生熙載

任才多所失任意少所成至德不嬰時敬慎爲道情未
俗揚積波矯世亦自輕景行將何寄夫子照徽英冲性
遠符綬澹慮辭承明貞介豈微物邈然自超榮人言黃
唐遠取之在戶庭天人損益間得失兩不名曰余廁南
越未覺悔吝萌逍遙河側游伐輻願瀾清夷惠非隆運
恤緯獨霑纓

卷二

八

五古

元日汎珍珠泉寄懷鄧辛眉兼示婦四首以除夕並寢
故有是贈

懷歸歸有期馳心喜年促少壯忽舍人春來悟冬速離
景未須臾和序已再淑萌芽企陽蘇新故感代續雖有
延季術時過不可復五龍非吾羨願言託雙鶴

積雪映靈泉素碧漾空輝元辰汎輕舸聊以散我懷芳
藻媚寒波微風自葳蕤旣無佳人贈采采將自貽臨潭
思悠悠澹蕩念無依瓊蘭非不馨幽獨在江圻借問踰
淮橘何爲中見違

迷禽中夜唳髣髴思舊巢感時念良友歎慕在一朝婉
嬾清揚儀之子不我遼幽蘿怨遲輝貞柏契久要瑤弭
嬾泠泠揮手遂飄飄顧盼有餘光延佇未及招自無陵
風翼企立懷遠霄

潛虬埃春瀾翠翰弄和風時至苟不達安得潤微躬黃
雀雖輕翮守蟄無妄矧凝陰尙元黃膏澤未昭融去來
同心子矯志希光鴻

奉送山東布政使被

命祀泰山祈雪

東藩肅神翼宗嶽鎮王垆元化協天朕潤溥表地靈告

卷二

九

五古

成七十二

二聖始垂經神教盡百歲泰往澤未形牲璧曷虛降明
德祀維馨愆陽亦何警

睿想結農町軍租費甸程旗餉困繇丁人蘇竦南淮孽
伏纏東溟綏邦豈天懈維嶽亮昭嬴公秩裊燮胡夷亂
在豐甯

宸居先湯禱詔使出沂青將禮輟方牧禋享契神庭嘗
聞精誠應誰謂天道冥災沴無顯晦我

皇實屏營聖教九圍格肱情萬紀傾將期民物康陪位

禋云亭

澄虛榭春宴

華燈星月下清夜開四軒笙歌暢春和羅綺媚風泉良
游命妙賓延賞及初季齊謳引長笛妍節赴七盤要妙
會人心宛轉發自然珍肴相閒行樂飲過中山但訴芳
耐醲豈念春宵寒沈酣偶行游庭樹皎微煙餘寂無殊
境朗照寄所觀逍遙西園宴恆覺四美難蘭詞敷嘉音
寫樂承玉筵

王氏詩

明齊王朱高煦獵游歷城縣標山有婦汲水見之而
美畱問其姓對曰王氏問其夫家不對迫之不從見
殺而莫敢尸相傳爲東鄉王氏云爾後五百季王闔
運始爲歌詞以附樂府而傳之

卷二

十

五古

芳艸緣標山葉葉隨風舒窈窕誰家女行汲出山隅素
手引纖繩輕腰約羅襦行止自嫋嫋照影爲雙姝路旁
誰不觀不得暫時踞齊王恃驕貴馭馭出田游萬騎俱
襄回襄回南陌頭朱輪兩躑躅繡旒交縈紆借問彼姝
子恐是秦羅敷俦停垂手前應對自紆徐荅言是王氏
一言已婀娜二字無多餘齊王再三問誰何是卿夫夫
名在妾口王今問何如韓憑因婦舛微賤易崎嶇王能
制生舛妾能守區區貴賤不相涉恐此事難圖王是萬

乘子妾是千金軀別我寒泉水盈盈照明珠辭我雙汲
瓶瑩瑩比玉壺當今便破碎誰復計須臾人生富貴易
妾願不相踰東鄉千萬人西里百餘家共飲山下泉不
食泉中魚魚行不易雙泉水清有餘流傳五百季但道
王家姝

贈高松江倬一首

高到郡道經濟南雪中與何文紹基登歷山歸集飲
何宅酒次言與故友李伯元善訪其遺詩因有是贈
高志無遠懷朝市望山林孰是簪組內獨抱江海心明
牧眷清淑仗策愜幽尋良游拂寒徑虛室對清斟歡言

卷二

十一

五古

偶已接勝寄理不沈蕭蕭言詞外寂寂冰雪襟因論故
人誼感激思悲吟卽事已爲古結契猶在今雖亡郢匠
質未輟鍾生琴誰謂投分淺道合情自深晤對誠外緣
獨往佇徽音上治資靜理繇劇非我欽若遺出處迹期
訪南江潯

入西山從潭柘寺東澗至山亭

幽柏澗半青芳艸徑初碧參差重閣外峭蒨山四壁入
門松風起偶坐溪亭夕靈泉度煙響歸人共鴉息暫聞
清梵落始覺心未寂暝色春濛濛孤此雲外石

瀟碧房聽階上流泉

瀟碧延清窗掩映三竹林坐對白雲暮安知溪水心微
風又如何歷歷一鐘音春星夜始寒想象空山淡幽寤
斷復續吾其觀古今

從戒壇下至可羅村

壇空松陰陰仙色春夏靜風移龍蜿蜿雲散日靚靚飛
襟一里翠度石雙屐冷娟花不出谷獨對山露醒芳香
路之半遠近自春影日暮逢歸樵相看在人境

歷城龍洞

絕壁風岌岌寒巖石晶晶不因平原敞豈見連嶂驚捫
天入靈洞窺日出雲扃高幽造二奇丹白絢重城鏗錫
百仞上觀聽未敢甯龍移土色枯楓落澗氣清峻峭無
長棲喪我石隱情蒼蘚埃春潤蒸色儻愈明暫來誰能
淹樵斧上青冥

登峴首作

沿沿平野春蹙蹙千嶂日幽揆踐南郊仄逕指蘿室旣
沿清溪轉遂攀峴首石中峰仰崢嶸虛洞俯泉壁返照
明楸門煙霄度樵迹浮雲一迴望清漢若可挹淒清古
事太寥廓雄鎮寂將尋龐公隱終泯羊侯績果協無名
果巖秀猶願摘

月夜汎漢

日落山水秀，薄游清漢湄。嵐光遞明滅，丹翠飛參差。孤峰媚我舟，到影漾漣漪。月出采色變，微藍澹煙陂。波光獨空明，遠岸愈逶迤。時復清風來，寂靜中夜期。同心感攀芳，眞賞信不疲。如逢解佩客，爲我贈相思。

病中大風登龜山望江漢

宗生願長風，枚乘觀江潮。如何衰病時，伏枕畏驚濤。抗袂出奇游，微命寄輕舠。偃仰陵洪波，曲折履山椒。曠望千里外，始覺江漢高。清濁雖異流，風起俱滔滔。連山勢浮空，城郭見孤搖。奔騰王我神，豈念筋力勞。蕭疎今古事，悽惻爭戰交。成敗相推轉，豪聖無久要。雄圖在我掌，撫劍觀四郊。清角吐哀響，聞此胸襟消。

揆廬山石門至龍潭

萬里謝人事，九派訪敷原。舊聞屏風疊，今扣廬阜門。陽巖葩紫光，陰嶂秀金痕。連娟次鵬翅，迤邐揆龍淵。日微嵐翠浮，雲曠峰影尊。飛泉清臥聽，盪碧炯精魂。眞劫諒有初，事往理固存。直會須臾賞，甯惟治亂喧。揆余慕暫隱，良契非偶敦。離情獨何寄，復此對芳尊。夕冥山籟靜，寂寥靈氣奔。松孤風始高，蘿密澗早昏。終尋謝公意，不負同心言。

九江府弔塔忠武

龍劍未神化兼金價不讐曾是儔人內能與國士謀君
侯昔矯翼發軔來湘州一秉神武略肅肅江漢秋當時
功名盛智勇若雲浮何言百勝後短馭困華輶氣摧堅
城下志若嵩岱北生民荼炭中師老實所羞忠憤一朝
盡身名不復謀孰謂夙綏社永訣恨莫收平生鐵色驄
掣電金羈頭昂昂萬馬長伏佗靈車騶哀鳴落日外風
爲夜颼颼今來覽遺壘五載如千秋悲鳥九江水豈識
逢士憂黃鵠不高翥衰回欲何求

建德西溪

古樹交蔥青百里蓋溪山溪山互幽蔚上下微風寒輕

卷二

古

五古

煙旣縵縵分澗亦潺潺扶疎自千代蟠曲勢多端尋途
忘南北列岫無複單有時樵斤寂翠窠發孤蟬獨會塵
外心聊得永晝閒昔美建德民機事了不關若闕人寰
境遂訪桃源還

祁門軍中秋夕贈李次青鄧彌之詩一首余與李鄧居
止各異故有是贈

虛舟任推移來往盡窮通物理有常歎歲月豈不豐涼
季眷離心嘉會喜并逢款曲睽六旬契闊逾七冬道阻
理未遐會數情叵終晤止雖在邇清夜限崇墉披衿坐
長想鞮履下庭中長欄過浮雲初月正朧朧獨寐各有

歎誰謂歡會隆人生無欣戚適意願始充
瑟瑟悲蟲響念我清聽同但惜陵冬桂無使故山空

思黃李詩

同治元年冬余歸自武昌昏蹈風浪驅駕舟楫但有
慘慘之聲會病疴垂困臥滅羣慮悽惻旣罷慨如無
生俄頃聽舟人論亡友黃司使善政言切余聞惟恐
語盡因憶咸豐四年冬十月洞庭夜宿亦聞舟人述
李樂平節義涌悲引淚遂下霑衾詩曰

誰謂知己難夙昔對賞音十季忽乖互千載遂侵尋
余悲固有涯事往逝如夢安知流傳論啟予念商參人皆
思舊德心豈忘嶮嶽淺言切溪淙新哀動故忱無燈臥
寥寥浪激風響淡君如精魂在來見江海心委化達生
外閔吾痛在今果若通冥幽甯不降昭臨山川有浮沒
此道不可沈舉聲不能言泣下遂霑衾

擬陸士衡挽歌詩二首

遠筮后良辰奠徹禮有終柳車委堂塗喧送集帷宮哀
風出翩翩發我燧露吟三命靡精爽逝當太庭中
鼓輶未移位前旌已離離鳴笳激清唳素蓋轉寒空
緜絕爭前途云誰願從容衢巷猶昔時一過永不逢
昔徂恨道遲今往恐路窮輿驟各寥寥冠蓋盡恩恩
儀衛回郭門

孤柩出郊墟頓轡望長岡勢將託荒叢荒叢有時春歡
愛無再同撫棺呼子別殊路身莫從生時骨肉仁臨穴
眷忡忡空爲壙前泣誰云泉下窮

園壟帶四垂逝客投幽廬壙井隘天光峻削圍靈區陰
泉涌晝風陽溜漑墳隅同穴尙惴栗當念獨臥孤昔矜
萬人豪今隨羣彪驅版築相迫竿四體永不舒堅柏禦
螻蟻寒灰螫柔膚神識漸蕭索遂與黃土疏百季誰能
遜駕言復峙嶠

荅贈陳懷庭鍾英詩

茗茗南嶽竹寄生本無心一生四五尺三日自成林昔

卷二

十六

五古

逢朝陽輝總秀被孤岑今也鸞鶴去春莽響荒森處身
堅且危如何拔幽陰浮塵翳世間要路久見尋違物非
返素榻來共嘔欵常恐守高節鴟鴞果誤尋辭榮昔有
賢胡爲曠嗣音傾曦尙餘光獨往不願淡何以申我恨
命彼笛與琴

感離詩贈陳巖

憂來誰能居駕言棹輕舟浮雲侵明月夜短不可留杖
策尋盤石解帶息椒北時苗鬱芊芊泣露已復秋季徂
悲道長思滯怨川流良逢無旬日歡宴苦未適飛鶴響
始振燕雀已啾啾幽人望晨曦扶光忽西游空谷非余

榮亮志與化酬

裴回清湘濱清湘不可滋三閭沈元陰逢士久已辭懷
居固未弘長役詎不疲臨流眷通津中渡悵自疑蒸雲
皎炎景夕氣變蘋輝微風起初宵繇星燦四垂清思惜
耽游獨處歎今非人生新故間旦夕若朝飢清酤庶斟
酌聊得慰我懷

夏夜

心煩怨日長日沒情已暮列星久懷光磊磊照始睹圓
景絡四隅澄素若可附思欲託天闕臨望心所慕微風
關山下湛然生涼露佳人在閒庭何以慰獨步清湘尙
無梁況彼河漢渡勞想非精誠睠言終良夜

卷二

七

五古

秋曉風日偶憶淇上

秋雲洗晨光庭樹碧已散風期偶然照水石若在眼清
淇憶曉涉塵慮得初盥日色馬上明波痕鷺邊淺淪漪
自然綠空秀不可限樵汲帶清景望望使步緩自從閉
門來屢見王路蹇澤衰懷柔猗道難思蓬轉情閒地仍
幽物擾理自遣誰謂山水淡方從寸心遠

出城步至南湖澗迎婦空返明日婦始歸作一首

涼風惜露寒芳艸漸無依誰能坐相憶始念與子違耦
步出城闕行行望湘圻野曠夕焱厲日落青林微川梁

既睽絕驚浪使我疑佳人失良約暮色久蔽虧徒知來
帆盡佇立未設歸思淡忘道長空返覺路遲別數恩愈
濃豈悟一夕期無謂我獨勞嘉時不可希

獨坐感秋贈曹鏡初耀湘詩一首

桂華久已芳佳人胡獨居
息來共相憐翔步此城隅
秋艸日夜綠流風旦夕疏
凋榮亦何恨道在情不孤
夙昔願遺形空館驗盈虛
固知彭殤幻杜德自充符
何以散幽心清秋襲我裾
日落羣象冥思君起時曙

擬曹子建雜詩九首

明月照高樓

卷二

七

五古

春風入晨林愁思方無端
悲來命清瑟歎響激櫺軒
良期曠三載迴路阻且艱
君子勞遠役使妾長孤閒
芳蘿隔江沚蔓艸秀中園
會合儻有時容華難久觀
願因浮雲逝萬里致君前
不惜自媒苦恐君心未然

西北有織婦

瑤臺有佚女繡服耀明璫
長季學機杼終歲不成章
蘭朝坐馳驅急景怨飛光
長歎空房中引領望遐方
通達猶難進今也限關梁
將附鴻鵠翼一舉見圓方
安見瓊樹枝含華委路旁

微陰翳陽景

朝霧散炎輝微光不自升修葛蔽雲嶂宿莽抽高陵凜凜途上土獨處若懷冰始見麥苗秀俄覩堅霜凝欲歸忘故塗將仕歎青蠅躑躅高臺下漶然涕霑膺

攬衣出中閨

間居感春心出戶望所思和風何悠悠朝露潤堂階嘉樹藹陽辰百鳥盡南飛歡會結中情還顧悵有違皋蘭不長芳鷓鴣使我衰征役無時暇江漢日已微往古多榮遇君行獨忘歸浮萍戀清源葛藟施條枚舊誓何可常根本願不虧永望終令德以副夙昔懷

南國有佳人

卷二

九

五古

瀟湘有佳人皎若明月光夕隨飛雲逝朝從順風翔容媚世所營蘭華恥自芳負此窈窕質徒倚愧中腸

高臺多悲風

驚風厲危闕海氣暗重關中州萬里途歲暮何時還孤舟易傾沈持楫苦未嫻誰知孤鴻羽霄漢正飄翻願垂扶搖翼振子滄波間白日翳塵土邈然失所攀

轉蓬離本根

桓鳥別所生東西自游敖甯知嚴霜厲趣我出蓬蒿如彼山上松斤斧構榭巢裁爲承露枝從此遂孤高延陵亦被裘顏子樂箪瓢已矣何所慕行行局吾步

僕夫早嚴駕

撫劍懷壯士命駕出西城荆蜀多榛梗吳會安得甯願
登太山頂騁望皇路平淮河何湯湯良馬向我鳴惜哉
無良御倏忽掩岷傾誰云還歸樂願得鑿我誠

飛觀百餘尺

岩峇四望樓表裏見山河長風吹四野平原忽嵯峨烈
士無甯居愚者樂苦多中國盡征屯江海正揚波獨懷
耿介略清夜起商歌亮節出奇響豈設復歎嗟

寄題潘氏園

青驄沿回溪林館影春樹歸來十日雨坐想高樓暮璿

卷二

三

五古

窗靜仍啟珠檻潤苔路亭院隨水清九曲映澄素波光
接一翠松色在巾屨娟娟琴上月響滴荷下露抽簪便
疏散塵游亦已屢竭來如鴻雁但恐驚鷗鷺余將返舊
崖竹石營所住

別廣州寄贈徐子遠灝徐在總督幕府前贈余詩

陸生懷金忝虞君注易來蠻夷信易說公卿固難諧伊
余厲朽鈍歲暮隨風埃霜渡揭陽嶺晴登南武臺未值
貂裘敝已見華堂開東榮揖上客西園覲妙才蘭艾本
同氣珠璣非異胎商羽恥獨唱章甫遂空裁暫息海鯤
運終橫河鯉頤一朝風雲散方驚日月乖乖違念知己

揮手踰千里離觴待月舉歸纜乘潮起之子獨幽憂高
情屬藥餌伏枕君懷人飛旌余背爾猶誦清風贈果得
連城美蠲疾代萱蘇投分淡桃李秀傑滇陽峽空靈清
遠水絕壁雲寂寂縣蘿煙靡靡孤吟羣物外賞會千巖
裏千巖信鬱蟠夙昔賞音難成連一以忒青琴不更彈
黃鐘避瓦缶歷齒妬朱顏宿望尙淪滯羈孤共排攢甯
從干將缺劍氣切雲端明鏡朗蟠照長松怪俗看狂歌
送白眼高枕對青山五噫方走越十上未求官奇才不
偶世古來共嶮岢離憂貫涼序松竹橫汀漵金商激悲
亮秋色乘風雨銛芒峰似劍疊響波傳鼓三邊亟陳雲

卷二

三

五古

五嶺連昏霧跨天南海郡建節番禺府偉長多素詞王
粲懷鄉土金雕方自勛鉛割終何取聰明鸚鵡賦佯狂
鸚鵡舞意氣一感激關河兩淒楚關河何鬱紆意氣陵
空虛誰言逢迎寡於中直自疏異縣非楚越同心愛儲
胥孔顏昔辨馬莊惠時觀魚康成尙行酒老聃能種蔬
靜言徒悄悄共覺乃于于未卜南村宅行吹東郭竽黃
鵠有奇翼赤水無遺珠待余棄金印從君讀異書

江甯畱贈總督曾侯詩二首

清江朔鴻征南國始欲雪疏荒艸蕪皎皎晴光烈荒
城寒高望曉吹送將別勤心隆宿恩離息眷晚節歸仁

豈虛言龕亂實彥哲東南復同軌功力雅未缺宴坐方
州清徙鎮羣望缺旅人徒北轅窮歲靡歸轍疇云謀身
輕進退久未決關梁何時疲舟楫竟安設

荆揚昔播遷播遷信無告石城空虎踞江外苦鴛鈔九
州奄橫流萬方遲聲教臨危獨宏毅英相隆再造康濟
資遠圖羣賢得自效季深時事移運量功已到得失儻
偶然何以喻昔抱高躅遺世情盛業觀雅操

卷舒自有性寵辱甯有眞辭榮在一時未足稱達人清
暉照神理名俗久相實誰謂嬰物淺泰嶽由輕塵悠悠
古今事思與聖哲倫分珪旣役志解印詎離氛朗襟悟
元默緒業乃經綸絕塵如可晞上德豈無鄰

晚出石頭城贈別湯裕

汀洲多涼風客路悲已引蘭樓昨夜宿明燭有餘燼良
友歡初好臨歧思紆軫空城無尊酒霜氣轉淒緊攜手
西城闌落日復欲盡浮舟從急瀾但愧我情忍人生善
交難新故若松菌至人患多情斯語豈不僊嘉季無蹉
跎在遠德彌纘

縱陽舟中贈趙惠甫烈文詩一首

松桂榮故山江潭復孤櫂芳尊延初月之子同清照倦
旅心寥寥風流振雅調煙塵念昔別蕭散隆今好滄波

偶喧寂治亂旋相弔時變豈久居但惜華髮少溪宵語
未闌汀曲轉幽窾舟移雁聲遠燭忒江文搖無恹共淹
畱獨往遂海嶠

除夕觀保定行宮作一首

宸宮定北極皇輔首南燕明德恭堯禹榮號蓋山川天
行昔順豫人望屬蕃宣緹穀臨上谷采斲宿神軒浚池
象沱派移石輦雲煙曲樓抱林月敞榭濯風泉臺金惜
帝費河竹助民榷服教信逾百維畿亮止千壇場罷禱
祀宮館虛綿延寒風鳴冰樹荒蔓絡鉤垣窺櫺思窈窕
臨巖意崩騫豐昃非時數張弛自有權豪歸底西貢侯

卷二

三

五古

繹聳東田遇聖猶旦暮開歲告貞元及吾未疲蹇禪典
奉成篇

北嶽篇

幽并實荒敞靈嶽肆蟠崇橫地居冥漠負天起中峰穆
穆萬障間端肅見此容大野氣涼曠靜慮填虛空心魂
接靈光瞻禮識所宗周覽倒馬西側眺飛狐宮環帶極
千里分威蔭封龍堯德昔隆昌踐翼撫華戎近圻歸冬
狩蓋號識成功惟聖克配物非神豈登封逮移曲陽祀
始恨周行窮朔漠駢駝羊恆衛號霜風神嶽不改度傲
兀燕晉中天泉浪徒涌慶忌游榛莪冰雪封其顛螭豹

專此雄徑路既已絕良時復難逢悵望無人鄉飲忝心
忡忡神感豈不逢眞形若昭曠世人未始聞佗歌告其
蹤寶符何足揆喬嶠美周容無爲誣皇典貽晒恆陽松
飲安陽酒樓佗

輕車翼還風春塵翳飛蓋平沙盡野勢通衢貫邑內軒
軒五樓亭俯見鄴郡大左漳右河間壯傑一都會登覽
懷昔游命酒獨慷慨北望浮雲陰朔塗久荒蕨貧弱積
晏安燕趙遂凋瘵王風鞠茂艸神教已百代漢業誰再
興魏公實雄邁曠然開崇宇霸功猶可賴土風非不淑
微管竟終廢棊苴依王澤苞萑在所漑艱危自古然誰
謂值天壞愧無匡時略且酌亦且喟豈設陋微軀投老

息林瀨

南歸過汝墳佗贈妻詩一首

游客懷春歸春盡游亦倦新燕如故人差池始相見朝
登大防陞風塵散四遠蒙沙暗碧樹近水明芳甸荊豫
氣始交清和影猶絢南州昔富緜被澤乃豐宴詩人感
伐楫尙懼王室譴余非從政才設勞淑婦勸驅車豈願
息瞻德甯無戀槃阿從此辭獨往淚如霰

湘妃廟

帝子出九江靈風澹容與玉顏比瑤華千載豈能故便

娟憶南國山館儼神御
芒蘋懷芳馨波濤壯空霧
龍駟偶夷猶煙樹碧已算
聖仙久忘情侍輦惜茲路
眷然浮雲外清淚潤朝露
中宵響靈瑟揮手何怨慕
顧眄遺光景飄颻動天步
旅臣彤墀下擷茗獨延佇
思欲貽下女但懼非款縈
神想存舊宮終焉儻迴顧
何所無芳蘭伊古乃榮遇

君山

山色無遠近明秀湖天中
方嶼浮片玉扁舟拂神風
挂席六來過清境未易逢
歸塵旣已滌始得闕靈宮
登陟未覺高四望豁心容
驚濤洶茫茫光映化冲融
珍木不

卷二

五

五古

知名芳碧自成叢北叟情所止
漁樵事已同幽敞兼二奇
雲水盡玲瓏平生曠歷覽
神逸獲更豐當願長來此
移石對喬松

烝上春望

和春被芳皋朝雨溼鮮林
昨游復幾日徑路杳幽森
間居易遺物感望茲川潯
新茗四晡曖淑氣交余心
碧峯杳千里我思一何沈
清烝不盈匹九折有餘溪
美人棄我久江海其淫淫
徒倚青楓樹獨返衡門陰

寄題吳先生敏樹北莊詩

閒居異沈隱夷險各有造
卜築不期遠自得湖山奧
榻

來孫鳩行窈窕巴陵園望廬識所欽果對靜者貌夜軒
星河清尊酒初月曜微言續禮樂好學豈云旌向生識
損益孝若昌典誥婚嫁願易終兄弟念所勞道貧兩無
息出處各不繞紅顏倚玉杖素琴送金爵倦客慕林藪
壯氣論海嶠麥秀復再蘄凱風棘仍搖從游不可期淡
入亦獨到近聽承口鼓永罷激中權羣英挹石泉所願
日幽窅何以贈明德千里匪孤蹈

郭嵩燾劉蓉兩巡撫先後罷歸贈詩一首

華樞枉長材雲逵接傾軌徒然損高節未足榮一己時
危易特達難紆銷積毀之子固連城雙旌翩鵲起惠淡

卷二

五

五古

季文食謗滿樂羊帑捐印反見嬰登壇卒相抵入門慚
松桂云別未逾紀淹留竟何成康濟俱未擬出處固多
涂竭來在俄爾門閭宛舊色鼓角疑過耳釋累猶超然
攀纏得無悔伊余識寵辱放迹巖窅裏穫稻聊紀年種
松詎盈咫依依水石外邈邈隔憂喜貴賤甯有終早歸
復能幾應知逐推移忝此方脫屣霜清洞庭木秋映東
臺几誰患招隱難涂窮儻來止

龍渡峰體連騎田秀冠桂陽秋日登游率然有作

涼風吹曾阜碧艸葢秋山陂陀引松桂阡徑轉巖泉雲
行入冥靄杖策遂攀緣重嶠傳楚牒烏路度騎田靈羸

靜湫穴文豹隱霧巒修阪秀孤石百代闕彫鐫從來選
勝客自取經過便諒非聖仙迹荒外莫與傳矧茲作阻
鎮起伏傲中原虞秦事俄頃岸谷了未遷此山天地內
斯游在其間圖經豈爲壽曠寄聊可宣歸涂載餘興晚
色霽平煙不辨巾屨溼但惜塵騎喧飄颻神猶王澄寂
物愈鮮寄言賞心侶知余闢榛菅

花園堡秋望作

心閒易成悲避愁轉畏靜野陰風嫋嫋卉木盡秋景清
行引高興覽物自淒警川巖實無情獨秀人外境古今
無間運泉石遂孤冷余懷耦杼柚時過豈重省昨來橫
橋戰艱危遏凶獷清波無久暄斜日淡已炯涼空方蕭
蕭因感謝桃梗

秋雨夜起作寄龍高平

涼雨驚桂枝吹花灑階闥城南夜窗人惟君獨天未別
情宛如新覽鏡忽華髮長謠獨清醒何以慰契闊從政
子旣勞學道余已末仕隱同此心忉怛送日月清秋夜
初永因臆度林樾故山猶可耕庶幾共飢渴

桂陽別詩奉酬黃學正洪熙贈餞之作兼呈州中人士
帳飲諸君子

南皮樂夏宴梁苑美冬游文歌徒暫聚離思方悠悠殊

余惜久客水石恣淹畱友仁既有訓鄰德信多迷薄植
省逢幸羣書慚獨細耆英傳鑿齒山水記湘州束馬都
龐嶠擷秀桂華樓提鉛朝復暮編韋春及秋梁孟固同
庶荀陳仍接軼補袍攜庾妾挹喪召浮北池荷屢榮落
殺竹始衰修本無枚生速終愧侯芭求縣金櫟陽市論
費三都帑獻貲干伯樂負卷投知己知音卽賞音邂逅
盡同心俄看對明燭早恨分離襟新情忽如舊懷哀自
然淡高張城東館重宴壽龍陰霜肥十月矜魚漑西歸
鬻列朋誼學禁清歌動越吟戟門招狗盜都尉進羊斟
但愁街鼓動無妨落徑侵一朝酒人散翻聞昭氏琴琴

卷二

天

五古

弦出雅詠朗朗兼金映送余飛鴻日賴子清風贈葭莩
夜蕭寒秋濤曉佻灘鳧舟暗相引雁陂雨初還平陽舊
津成印石遠峰巒浮家不辭役距陸轉勞看乍佻眼前
別真成對面難知君學舍冷相思蕙艸殘周麥杖時過
陳公棋對彈訪道金華客聞簫緱氏山曹司語京國李
老厭衣冠二何竹林彥沈飲金尊寬曹生建安骨秀發
青琅玕龍潭鼓角靜鹿峰峰弭誦嫺良游尙時續窮年亦
自歡促窈豈云異余懷誠未殫鐘湘臆可越蘭蓀長無
絕晴開桂領雲霧合衡陽雪梅煖香如耐松寒翠如髮
松寒水閣虛車馬日應疏簾釘畱粉絮塵窗走蝨魚莫

忘前夕酒甯題異代居東岡一臨望平路長縈紆飛蕩
動丹碧平水靜蒹蒲歷歷郊籩樹重重岨嶂區應憐來
客簡猶驚冬序除報瓊酬往訊裁素竚來書

春雨

皋蘭漸平路叢棘秀芳椒春華旣靡曼和雨咸慘懽新
歡不暇賞開軒眺曾霄連嶂浮翠靄平池被川濤漾漾
夕陰動娟娟新綠高飛燕弄柔風鳴雉喜初苗遠游久
息駕卽景良多招適人因非適調度欣方調理隨物情
豫契與芳時要谷音豈遽響原未念無遙

登前山

卷二

无

五古

鳴鳩告農始鷓鴣催春華攄情託高望山原盡紆斜環
流了縈帶靜浪涵平沙枌榆新舊廬畦隴畫參差芊芊
高下碧藹藹晴煙花顧彼隆冬柏黯黹寒谿涯霜春忽
改觀蕭緘豈足夸違眾非至美榮荅及時敷妍賞有移
易貞脗理不遐目存代謝迹心吝良辰賒服成且風詠
游逸期巾車

代荅傅光祿迎大駕詩

幽顯天道窮存亾人事殫傾軛旣卽路進退同一難霍
山怨還第歸父泣帷壇魏公危交戟子家悲斲棺騎虎
諒不下尸牛卒被患威柄不自握人情懷萬端朝爲猛

虎步夕作机肉看輪誠愈見侮怙亂還相殘本乖離容
節知止徒空言臨巖始知畏柰何蹈南山後信益前詭
危人難自安冰炭積方寸已復燒膏蘭旁皇人間世但
恨平路艱推排詎能悔聞命欣彈冠鄙念長戚戚將爲
迷者觀

前林遇雨

江南秋色佳出門盡青山高軒三日雨始見楓林丹薄
游不期遠攬秀上平原東峰暮雲合飛瀑過我前齋閣
靜蕭蕭欲往迷蒼煙松桂橫來徑陰森自相連行止貴
吾意誰能待北樊荷裳冒雲溼葛屨踐寒還牧人何笠
望穉子出林諠快游非屯蹇坦道信所便寄言永懷客
車輻徒罷煩

得王饒州必逢書寄酬一首

伯緒矜早貴元長恨宦遲高才屈世寵豈是榮台司伊
人裕遠圖十載滯一麾稱多未爲拙反蹇亦有宜振策
華京道嗣音空谷期要津眾所習二徑子所思娛園竹
未歇陳亨軌始滋離容簪組下高詠自委蛇異趣固同
適室遠匪道睽儻憶濠魚樂無慚逢惠施

湘鄉西南童梁山居荒崇之隅族岡巒之秀咸豐八年

余與羅伯宜訪曾滌生於山南始識李雨蒼於曾坐

上今歲赴左孟辛喪重過其地則伯宜已歿黃平曾
李遠在燕薊山路有蕩雲物逾美感離念逝重以哀
左之切輒於馬上作詩二篇寫其悽愴云爾

昔年揮駑馬沙磧困虺隤今來策逸足緩轡吟崔嵬險
因征徒盡山爲達人開青松旣茂悅磴道無遭回修蛇
緣風霄曠望出堦垓東西千疊峰蒼白聚雲堆寒光動
人心鱉色盡飛來阪竹鬱冬秀巒艸及霜芟貞心不期
申脆質懼終腓豈云感時序眷言惜同懷

新知良易歡舊愛信難終匪不服古節賢節不相容伊
余習風誼俊彥亦雲從冶金豈徒踊干莫難爲鋒功成

卷二

三

五古

未易居名高世所惆崢嶸十二載存心各恩恩浮雲東
北驅毒嶂西南霧余本腹背羽江海旣樊籠出美泉石
游入契琴歌棕因是得樞始好樂豈疎慵極知化終理
善生不蘄窮藏叟竟誰昧控地聊相從寄言卒歲游忘
天入鴻濛

擬室思詩一篇代六雲

朝雨周四除空房寂無端言別未永久榮華始欲蕃期
近思逾促戚戚不暫寬沈陰蔽所望將食廢晨餐庭戶
無彷彿何時照光顏

其一

青青園桑枝熠熠飛蛾翼出門

日有程思君復至夕良緣百季中飄若空中畫恩私良

已周佳期何由積其惠來不自保俚俚自菀悒二衝風入

屏帷颺颺攬余思思心不皇甯屣履其何之昔分永睽

絕今爲五日期自君之出矣芳艸成華滋思君如春水

澶漫誰能持其牀鐙景復光夜短何時明愴然思君子

訴我故時情華枕猶在御獨寐長悠悠闈門下重關但

見奔電流自無翻飛願息意還衾裯其晨興臨明鏡見

我昔歡恣人離還復親冀與我君會從來向七載誠願

忽不遂賤軀恃鴻恩豈覺已傷害自顧菲陋姿非君孰

覆蓋其五無親欲何依熒熒想念之不傷季時晚懼爲中

道遺進退禮有恆高誼君所知雖慙金玉質承眄既有

卷二

五

五古

時君子念簪履儻來終惠慈其六

春懷詩四十八首

重陰合四野屣履西榮間長池汎積雨飛花自飄翻春

榮不遺物覽秀還欣然嚴駕將何之幽塗迴且艱遙思

盈庭戶長歎激櫺軒

晨露下青林餘光襲紈縠晴鳥喜煙開朝光藹余戶春

氣洽已久霜霰焉足懼喬松不知時稊柳欣所遇榮華

在當年觀者豈能悟

黃鵠下建章本自海上來風塵污靈池六翮胡爲哉君

子悅近翫小人識其灾自無百尺桐神鳳獨裴回搶搶

粉榆下燕雀終何猜

平生輕薄游韓董願同輿馳道交六轡行人僵路衢出
下承明鑰入乘果園車鳴鐘未及晨促漏盡須臾嗟彼
瑣衎兒豈足填溝渠得時偶披昌失路俄朽枯榮寵良
可憎樂極將何如

猛虎禁山藜吳公若敵國平時雖委它臨機在不惑妖
童矯軹傳扈扈河沛側豈無威重臣閉門恆避客誰謂
仁者勇雖容付郵驛陳尸九衢旁未假一夫力至今悚
東望心悸田子色淮南憚汲生弘也如振擗歷下猶可
游飯牛東門石

卷二

三

五古

王子未弱冠安步登台衡康妃謬相疑侍御盡回驚間
平不輔政風采傾二京誰知艱危際再起鎮物情滿盈
不皇息常願居高明人生寵辱涂趨避亦營營不如恣
游宴逍遙可長生

連道有奇士騷耳服牛車志欲千里游任重苦相加獨
促長轅下甯見白日斜覆轍相追尋嘉此獨負荷恆恐
馬力盡東野忽蹉跎北風起燕代慷慨長咨嗟

嘉謨竟何施發言已盈庭自非安危計磬折何所爭高
談出四海願一道款誠薦賢在一鶚眾鳥徒飛鳴愧茲
腹背羽野立空屏營

青楓明江水芳澤雲容佳人翳修衷悠然思無悰東
風飄靈雨千里望相逢恩淡怨苦長願欲訴離蹤悅懌
婉孌姿揮手陵九重信美已驕傲豈謂莫我從

浮游惜日短采采振衣服雖微逢化權媚此好容色蛄
羌獨何爲薄暮不遑息蘇仄長孫子卑陋永相襲生理
有萬端公矣各努力

夸名徇權利昔聞順與彰出入移天憲公卿鳧雁行指
顧成光景縱橫賂賂場牧守空候門魚睨上高堂柰何
當塗客斗酒博伊涼三公接計利豈不愧承筐咄咄市
道交委曲愁我腸

卷二

五

五古

咎余游西山北望太行顛春風動廣漠蔓艸與天連蕭
索彌百里烈火不能燔茸茸無荆棘何況芝與蘭狐鼠
走索羣薄暮鳴辛酸誰使茲路塞慨然吟下泉

華槩翼廣夏岳牧奠方州偉哉廿三士環海鎮橫流山
澤殊高下駑驥不同轡一朝虎賁卒脫劍垂九旂紛綸
進退間升降信雲浮常恨白日短光寵不久畱豈能回
明照秉燭夜行游

旭日出東極升中始揚光初月潛太陰亦用慰瞻望晦
明有常理非我獨宥皇旣無偃息分實願照扶桑色聲
信娛人滉瀆杳冥翔

七聖迷襄城四子窅汾曲由來道不同釋位喪所欲至人亦攫甯無爲患拘束搏幣接史魚三妻自同浴

九州吾所經誰能更遠游竭來海外客駕言到林北昔聞殷王子高節邈莫儔率履既不越截海同安流矚然日月光東出照燕幽無賢豈能國單于笑千秋自恨處卑濁欲往無輕舟雖微避地哲跂予消我憂

高樓冠丹霞朗然望入荒樓前咫尺地蓬藿如我長去此若俄頃誰知歷九霜東鄰走狐兔西邸吹笙簧愚者苦愴費逢人信無方經營百季中但言樂未央得失非自我何爲愁我腸

卷二

三

五古

京華游冶子本爲繇華觀九州日康娛何愒一旦歡戚里相招要第宅自交連明后被綈弋媿童曳偏緣快意耳目內時逝忽如弭中山獨何感聞樂涕潺湲

今日惟元己青陽將欲移寒風翳碧樹宿雨霑路歧豈惟游宴情歲序忽以馳良辰不我歡和煦獨何施來者余不羨逝者余不疑但愴終倉卒空負一歲期

平旦登青北壘壘墓與墳青艸被岡隴寂寞送千春季季臨窀穸此路行復親甯知人與世排突猶一晨思欲置妻子偃臥松柏鄰驚風暗白日還駕增酸辛

管年十四五文翰頗翩翩馳騁劉郭儔衿佩相拘連揖

讓未云畢圭組何紛然被褐上蒲輪高議動華軒文儒
賢時務將處木雁間有名斯有辱物我難周旋焉見無
名人厭世上登仙

逢生願長季長季絕人事一公同不還孰謂殞生異黃
鵠呼子安振翼陵九澁服噲霜露精飢渴非我意吾黨
有李巖紅顏玩塵世荊棘蔽山岡黃鳥飛復逝眾人徒
百哀不以喻明哲

空堂曠悠悠寥寘臨四野悲來欲誰訴翔步觀廣夏飢
鳥旦啾啾求羣不皇舍置罔掩八紘本不顧微者懷衰
會有在棄爾蓬蒿下

卷二

美

五古

咎我游江漢高枕黃鵠磯洪波汨汨沿南北晝夜馳開
襟建雄藩形勢接海維是時金鼓喧揚豫沸如糜長風
振陰埃孤蓬挾地飛貞臣厲偉略奇筭奮孤危孤危咎
已奮今來坐陵遲自非扶桑樹西日誰能揮

天地運有窮河流夜不息包絡華夷間湯湯互南北奔
湍忽徙流徐冀俄已晝誰能遵此涂帶甲橫四極桑榆
日已西眇然望碣石

飛塵鳴長轂所見皆王侯借問冠蓋下飄颻盡浮游青
軒植桃李本不期三秋春燕懷客心蕙棟豈淹畱俱同
百季壽垂涕復何求

夙駕河漳濱南向望衛城淇竹有餘蔭康公壠已平軒
鶴馱梁肉石甯不從征繡衣空委佗傅姆泣宵行木瓜
徒區區乃欲報瑤瓊時曙楚北外亦復愧無成

黃華造高臺媿女眠清夜巾裏懷芬香裴回步宣榭朱
顏不常榮倏忽嚴霜下樂極傷人情悲來不能舍

朝登齊夷城慨然閔童昏豈忘燕婉好恍惚棄所親二
三實無終珠玉瀆明神單帷蔽初旭高闕集冥塵鼓鐘
朝復暮詎識我戛屯歡游復幾時幽夜不再晨鳴鳩鳴
榛棘可用謝遠人

惡木不可棲鸞鷲宿射干好醜同一致日暮且盤桓至
人無利害物論豈足言長飈舉六翮了然見方圓心悲
吐奇響千里一來還

橫術有拙農荷鍤耘千畝貪名未能已志欲連岡阜春
膏迨良辰耕播勢不久傾資不遺力但見生荊莠時宴
速自謀無爲怨鄰耦

殷宗勤鬼方漸石怨皇朝盛衰雖異時天下固同勞傷
彼障厲地空山叫蝮癭驅役禮義民言往爭窟巢且貴
置度外修德布綏要苟無鹽鐵論豈悔開哀牢

誰言日再中垣平坐成欺佞子工時變累卵自忘危葵
北驕九侯盛業久已衰猶勞東西略束馬卑耳陞身从

柏寢內五子卒相夷

南夷交北狄焉能汨華風但畏讒邪子回適實內誑昧
者獨茫茫餘眾逐曠曹杞人好息疑亦足自詒凶豈有
明達士長戚以圖終

橘柚來牛蝨松柏損蝱毛甘堅豈不良方類亦所招區
區老秃翁七十欲何要日暮涂復遠豈念車馬勞榮枯
終消散視彼心忉忉

飛雀依庭戶粒米聊自度所損誠亦微營營令人惡太
牢饗爰居九獻曾不顧是非誰能譏各以飲啄故

修修南山竹垂垂北水薇下有行客吟上有翔鷲飛春

卷二

五

五古

風緣芳徑拂拂吹我衣卉木日夜長我心萋以悲晨朝
理清瑟激響赴瑤徽焉見靈瓊樹朱華委路歧

誰爲心所歡悵望臨春風豈云一朝遇良會願有同餘
星暎碧樹霄色正朦朧歸雁西北翔羣呼夜離離自傷
無疇匹日久凋朱容

吾生亦有涯於世亦有因逢人信無我孰謂非我人明
月隨四游恆星布八垠俱同一氣運成毀徒相徇豈韋
挈地母傳說出微塵默默守一隅龍蛇爲我鄰

寂寂清川水云云赴巖曲飛鳧濯其波比翼自棲宿淩
杙藉陰沈朝光忽如沐行舟泛春流甯暇相隨逐機心

自難馴物性多倚伏空聞海上鷗翔集狎異族建德如
可游詎與詹尹卜

朝與良友期夕告余不聞豈惟仕隱殊人事信多端桂
枝既可結瓊蘼勸其餐山中獨淹留未若濯洧盤置此
異同事且從性所便詎作浮北子攜手去人間

良驥不服箱駑駘致千里長涂非吾事敗駕當自止悲
鳴阜圉間懼爲伯樂恥老珥適流沙仲尼歸闕里皇皇
道終窮怨尤遽能弭

道術分九流儒墨自茲煩末路倦歧涂簧鼓不復喧稷
下無講肆馳騁競空言聖盜一時止斯言諒非謾小儒
驚耳目鼉紫炫人間得失何足理將詒輪扁歎

卷二

三

五古

誰謂百年遠萬歲猶一朝續紛不相知稅駕亦何遼鸞
鳩笑鯤鵬小大固同曹當年信娛樂過此誰能要余生
後古人來者豈余招先天未爲老六極未爲高維斗儻
不忒登雲可游敖

樊生願農圃桀溺把鋤耰安見樵牧人高尚勝王侯巢
父避天位計校一何周至人無寵辱絜位始優游捐金
未忘貧解組未離囚悶然辭應間無取亦無求

於心忽旁皇演漾春氣交冉冉芳節逝蘭芷成新菀自
我長離別今來猶鬱陶芳艸若千里瞻望亦已勞鳴鶴

命新傳歸燕識故巢感物長悽惻寤言歌且謠

勺藥懷丹芽不爲觀者妍
瑯璫寵恩眇風日始相煎
榮枯眾艸內豈慕世俗憐
佳人縱情好白首誓不捐
古來若無舛何以解此歡
羅袂招彼美紈扇棄華年
有色故有情諒非心所然

日永愁思長逍遙
賴鳴琴芳花明
瑤席浮雲翳
庭陰皋蘭豈不榮
違土難爲心
江匯饒靈宅
重華始相尋
南嶽有孤鳳
朝陽抗奇音
寄言三青鳥
時暇當來臨

湘綺樓詩卷第二

卷二

四

五古

